

ELIA SY NY KOBA-FANATITRA

 Oh, tsy marina ve izany! “Tompo, mandray aho.” Mandray inona? Ny teny fikasana rehetra izay Nataony, dia ahy izany.

² Ankehitriny, alohan’ny hipetrahantsika, dia ndao isika hanondrika ny lohantsika vetivety fotsiny mba tsy hanadinoiko ny mivavaka eo amin’ireto mosara eto ireto.

³ Ry Tomponay, mankasitraka Anao izahay izao hariva izao ny amin’ireo hiran’i Ziona, nohon’ny Filazantsara an’ny fanao fahiny izay manadio ny fonay amin’ny ratsy, ary, satria, ireo teny fikasana mahafinaritra indrindra ao amin’ny Baiboly dia anay. Amin’ny finoana no andraisanay azy ireny. Ary fantatray fa tsy mizaha tavan’olona Andriamanitra. Ary tamin’ny taranaka niainan’i Paoly, ny olona... betsaka no narary. Nentin’izy ireo teo aminy ireo mosara, aron’akanjo, mba ahafahany mametraka azy ireny teo amin’ny vatany, ary avy eo nalaina avy teo amin’ny vatany nankany amin’ny marary sy ny ory. Ary miteny aminay ireo Soratra fa nivoaka tamin’ny olona ireo fanahy maloto ary niala tamin’izy ireo ny fahoriana nohon’ny finoany an’ny Tompo Jesosy. Andriamanitra, Paoly dia efa lasa saiky roa arivo taona, nankao amin’Ny Fanatrehanao. Lasa niaraka taminy io taranaka io, fa Ianao dia Andriamaniry ny taranaka rehetra. Ankehitriny ny olona, izao hariva izao, dia nino Anao ary apetrakay Aminao, izao hariva izao, ireto mosara sy fonosan’entana kely ireto, ary mino amin’ny fonay rehetra fa hamaly ny vavakay Ianao ka ho sitrana izy ireo. Ekeo izany, Tompo. Mandefa an’izany ho azy ireo izahay ho an’ny voninahitr’Andriamanitra, amin’ny Anaran’i Jesosy, Ny Zanany. Amena.

⁴ Afaka mipetraka ianareo. Ary ireo izay nametraka an’ireto dia afaka ho tonga haka azy ireo avy hatrany aorian’ity famaranana ny fotoana ity.

⁵ Tena faly aho izao hariva izao. Tany ampitan’ny tendrombohitra tany aho androany vantany vao vitako ireo fifampiresahana izay tsy maintsy nataoko, ary nandeha nivavaka. Ary isaky ny tonga eto amin’ity masoandron’ny tany efitra ity aho dia somary manao ahy te-hiverina bebe kokoa ilay izy. Fa zavatra anankiray no mahafaly ahy izao hariva izao, ny vadiko...hatramin’izay efa niarahanay ela izay, ary nahita an’ireo fahitana lehibe an’Andriamanitra voaseho sy niseho izy. Teo amin’ny renirano izy tamin’io andro io tany Jeffersonville rehefa nanao ny Fisehoany voalohany ilay Anjelin’ny Tompo, nivoaka tao amin’ny Associated Press manerana ny firenena izany. Izany dia...tamin’ny 1933 izany. Nitsangana tany izy, saingy nandre an’ilay Feo fa tsy nahita an’ilay Hazavana. Tany, na dia ireo mpaka sarin’ny gazety aza dia nahita an’ilay

Hazavana. Fa tena mbola tanora izy tamin'izany, ary teo amin'ny roa ambin'ny folo taona teo, ary tsy nahita an'ilay Hazavana mihitsy izy. Nijery ny olona izy, maro no torana. Ary nijanona teo fotsiny saiky iray minitra fotsiny izany ary avy eo dia niverina avy hatrany nankany amin'ny lanitra indray. Ary nametraka lahatsoratra lehibe ireo gazety hoe, "Hazavana mahagaga no miseho eo—eo ambonin'ny mpitoriteny Batista iray eo antoerana rehefa nanao batisa." Nandeha hatrany Canada rehetra, nivoaka tao amin'ny gazetin'i Canada.

⁶ Ary avy eo teo amin'ny telo na efa-taona lasa izay, fony aho tany Phoenix farany, mino aho fa Rahalahy Jack Moore no niaraka tamiko, fa izy dia karazan'ny... Tena saro-kenatra ny vadiko. Ary noho izany dia miantso azy hankeo amin'ny lampihazo izy, tsy nampoizina, ary saiky torana izy. Ary tonga izy taorian'ny efa nahatongavako teo amin'ny lampihazo, ary teo ilay hosotra ho an'ny asam-panasitranana. Ary, nilaza izy, fa izany no fotoana voalohany hany nisy azy tao amin'io Fanatrehana teo io tahaka an'izany. Ary, afak'omaly hariva, dia nahita Azy teo amin'ny lampihazo izy, ho an'ny fotoana voalohany hany nahitany Azy, rehefa nitsangana teto amin'ny lampihazo Izany. Ary rehefa nihaona taminy tany ivelany aho dia izy... ranomaso no teo amin'ny masonry, ka hoy izy hoe, "Billy, ho an'ny fotoana voalohany tamin'ny fiainako, no nahitako an'Izany." Hoy izy hoe, "Izaho... nivavaka ho an'ny vehivavy iray ianao, ary" hoy izy "hitako fa tonga teo anoloany mihitsy Izany ary nijanona teo fotoana fohy fotsiny, nivezivezy teo amin'izay nisy anao. Ary avy eo, vantany vao nijanona tsy niresaka ianao, dia lasa Izany." Noho izany dia faly aho ny amin'izany, fa tonga teo anoloan'ny masonry Izany. Hitanareeo, manana zavatra betsaka handalovana io ramatoa kely io, ary noho izany dia faly sy sambatra aho ny amin'izany.

⁷ Ankehitriny, rahampitso hariva dia asam-panasitranana. Fantatrareo, efa nilaza izahay tamin'ity herinandro ity fa amin'ny Zoma hariva no hisy ny asam-panasitranana. Ankehitriny, tongava rahampitso tolakandro na-na aloha be ny hariva, eo amin'ny enina ora eo, mba tsy hampiatoanareo ny sisika amin'ny fotoana. Ary i Billy, Leo, Gene ary izy ireo, dia ho eto miaraka amin'ireo karatra fangataham-bavaka, hanome anareo karatra fangataham-bavaka iray. Amin'izany no itondranay ny olona eo amin'ny lampihazo ary hivavaka ho azy ireo. Ankehitriny izahay dia... Izaho dia... Tsy maintsy mitondra an'ireo favoriana Amerikana amin'ny fomba nampianarana ny olona aho, mameatra-tanana. Ankehitriny, izany dia—Soratra izany, saingy fombafomba Jiosy iray izany. Tsy ho an'ny Jentilisa izany, fa nanaiky an'izany ny Jentilisa. Ny Jentilisa dia, "Tsy mendrika aho ny Hidiranao ao ambanin'ny tafon-tranoko, teneno fotsiny ny Teny dia ho velona ny mpanompoko." Marina izany. Fa ny Jiosy, "Avia apetraho

amin'ny zanakovavy ny Tànanao dia ho velona izy.” Hitanareo, izany no fombafomban’izy ireo, tsy ho an’ny Jentilisa izany.

⁸ Isan-kariva, sy isan’ora, mandritry ny andro sy alina, dia tonga ny Fanahy Masina, manambara, mandeha manerana ny tranobe, miteny an’ireo tsiambaratelon’ny fo. Mahita an’izany foana ianareo. Izany dia mba hampahafantatra anareo fa eto ny Fanatrehan’ny Tompo. Ankehitriny, raha hanaiky an’Izany fotsiny ianareo, dia ho sitrana eo no ho eo. Satria ny fanasitranana rehetra izay hany natao ho anareo, dia efa vita, efa vita sivinjato sy arivo taona izany. Ny famonjena rehetra izay hany ho azonareo, dia efa voaloa, anareo fotsiny ny mandray an’izany. Sivinjato sy arivo taona izao, na mihoatra, no nahalasa an’izany ho famonjena ho anareo. Fa ankehitriny dia mahamarika ahy ianareo eo amin’ireo favoriana, milaza aho hoe, “Hanao anareo hino ve izany” Hitanareo, tsy ho an’ny fanasitranana na famonjena ireo famantarana sy fahagagana, fa ilay izy dia mba hamela ny olona hahafantatra sy hahazo fa eto ny Fanatrehan’Andriamanitra. Noho izany Izy... raha Izy... Hanao ahoana izany, mihoatra noho ny fahagagana iray izany. Vao manomboka mahita fahagagana fotsiny isika ankehitriny.

⁹ Ankehitriny rehefa tonga eo amin’ny olona iray izany, dia misy maro amin’izy ireo no mitsangana avy ao amin’ireo fitondra-marary ary ireo sezamisy kodiara sy ny sisa, dia mivoaka. Tsy dia izany loatra no fahagagana iray. Tsia. Hitanareo, na ny Siansa Kristiana aza dia manana an’izany. Izany dia mety ho—ho—ho toe-tsaina iray izay mety ianareo... manova ny fomba fisainanareo. Ankehitriny, tsy mino isika fa izany ilay izy, satria mino aho fa finoana ilay izy. Kanefa...

¹⁰ Tany La Salle aho, Lorraine, Frantsa. Tany Paris aho. Ary nidina tany amin’ny toerana iray izay nananan’izy ireo vehivavy maty iray nandry teo aho, nalevina izy. Ary nikosoka vato iray teo izy ireo, ary niditra tao ny olona niaraka tamin’ny kilemaina, tehina, dia napetrany izy ireo ary nandeha, nohon’ny fikosehana an’io vato io teo ambonin’io vehivavy maty io. Hitanareo, maty izy, ary tsy afaka nanelanelana intsony izy noho... Mpanelanelana tokana ihany no misy eo amin’Andriamanitra sy ny olona, ary izany dia Kristy Jesosy. Avy amin’ny fianakaviana Katolika iray, izaho—fantatro fa izy ireo dia mino ny—ny olona izay maty, hoe mananelana ho azy ireo ny fanahin’izy ireo; samy hafa, ny sasany ho an’ny politika ary ny sasany ho an’ny zavatra hafa. Ho ahy, dia momba ny fanahy izany. Tsy mandratra ny fihetseham-ponareo aho, manantena aho, fa tsy maintsy mahitsy fo aho. Hitanareo, ny zavatra rehetra izay mananelana amin’ny maty dia momba ny fanahy.

Nanontany ahy an’izany izy ireo tany Mexico, ary nanao hoe, “Ahoana ny amin’i Jesosy?”

¹¹ Hoy aho hoe, “Tsy maty Izy. Nitsangana indray Izy, velona

mandrakizay Izy.” Hitanareo? Tsy maty Izy, velona Izy. Ny sisa amin’izy ireo dia efa lasa any ankoatra, izay, lazain’ny Soratra fa “Ireo izay any dia tsy afaka ho tonga eto, ary ireo izay eto tsy afaka mandeha any.” Tsy mbola nisy olona hany niampita na hany hiampita. Noho izany dia milamina hatreо izany raha ny . . . Jesosy no niteny an’izany.

¹² Saingy hitantsika fa miasa ireo zavatra ireo. Noho izany ankehitriny ary isan-kariva dia miezaka mitondra aminareo ny Fanatrehan’Ny Tenany eto ny Fanahy Masina, fa tsy ny fanatrehan’ny olona iray. Afaka manetry ny tenany fotsimy ny olona iray, amin’ny alàlan’ny fanomezam-pahasoavana no ahafahany manolotra ny tenany ho amin’ny faritra anankiray an’ny Fanahy izay afaka manokatra an’Andriamanitra aminareo. Fa tsy hety mihitsy izany raha tsy ianareo ihany no mino sy manaiky an’izany, ary amin’izay fotoana izay vao mety izany. Hitanareo, raha nipetraka teo ianareo ka ny tsirairay avy aminareo—ny tsirairay avy aminareo dia tsy nino, tsy mino Teny iray an’Izany, dia tsy hety mihitsy izany.

¹³ Jesosy, rehefa nandeha tany amin’ny Namany manokana Izy, ny Taniny manokana, asa lehibe maro no tsy Azony natao nohon’ny tsi-finoan’izy ireo. Ary raha tsy afaka nanao an’izany Izy tamin’izany, dia tsy afaka manao an’izany Izy ankehitriny, nohon’ny tsi-finoana. Hitanareo, ilay izy dia ny finoanareo.

¹⁴ Noho izany dia mila ahy sy ianareo, miaraka amin’ny Fanahy Masina, ny manao an’ireo zavatra ireo hiseho; mba hamela ahy hifaly, hamela anareo hifaly, hoe eto Andriamanitra izay mihazona Ny Teniny.

¹⁵ Fa rehefa afaka miditra ao amin’ny fivoriana ny Fanahy Masina, manatanteraka marina tokoa araka ny Soratra izay Nolazainy fa hiseho amin’ny andro farany, ary mandeha eny amin’ny mpanatrika tahaka ny Nataony fony Izy teto, ka mamantatra an’ireo tena tsiambaratelon’ny fo, ary ny eritreritra sy ny fisainan’ny fo sy ny saina, dia ahoana no ahafahan’ny olona hisalasala? Hitanareo, izany no fahagagana tanteraka iray, fahagagana iray mihoatra noho ny kilemaina mandeha, satria tsy azo atao ny hitrangan’izany raha tsy misy hery ara-panahy. Tsy maintsy misy hery ara-panahy iray hanaovana an’izany. Noho izany, ary avy eo dia hitanareo marina tokoa ilay izy arak’izay nampanantenain’ny Baiboly sy izay inoa- . . . izay inoantsika. Fahagagana iray mihoatra noho ny mikiakiaka izany. Hitanareo, fahagagana iray mihoatra noho ny fitenenana amin’ny fiteny tsy fantatra izany. Paoly no niteny an’izany. Na dia ny fanomezam-pahasoavan’ny Fanahy Masina tena izy an’ny fitenenana amin’ny fiteny tsy fantatra aza, dia fahagagana iray mihoatra noho izany ilay izy. Ao amin’ny fahagagana farany isika. Tahaka an’izany no nilazan’ny Baiboly mialoha azy.

¹⁶ Noho izany, izao hariva izao, tsy mila miandry rahampitso

hariva ianareo hahatongavana ao amin'ilay laharana mba hametrahan-tànanana. Ankehitriny, ny fametrahan-tànanana eo aminareo dia tsy hahavita mihoatra ny famantarana ny eritrerity ny fo; tsy dia be loatra, amiko. Noho izany dia afaka mandray an'izany fotsiny ianareo, mifikitra amin'izany, anareo izany. Ary minoa an'izany amin'ny fonareo rehetra.

¹⁷ Fa rahampitso hariva, raha ianareo... Ny Soratra dia tena milaza hoe, "Mandehana any amin'izao tontolo rehetra izao, mitoria ny filazantsara amin'ny olombelona rehetra; izao famantarana izao no hanaraka an'ireo izay mino." Ny famantarana rehetra; ary avy eo, amin'ny farany, dia hoy Izy hoe, "Raha mametraka ny tànany amin'ny marary izy ireo, dia ho sitrana izy ireny." Marina izany. "Izy ireo izay..." Ny... Izany no hanaraka an'ireo mpino. Eny àry. Ankehitriny, isika—mpino isika, noho izany, tahaka an'izany, no ananantsika ny fametrahan-tànanana amin'ny marary isan-kariva, ary nanao fahagagana lehibe tamin'izy ireo Andriamanitra. Nahazo fahagagana lehibe tamin'ny vavaka teo amin'ireo mosara isika. Nahazo fahagagana lehibe tamin'ny famantarana an'ireo eritrerity ny fo isika. Hitanareo, izany rehetra izany miaraka, dia miasa ho an'ny voninahitr'Andriamanitra. Tsy ho an'ny olona izany, tsy ho an'ny fiangonana izany, ho an'ny voninahitr'Andriamanitra izany. Voninahitr'Andriamanitra!

¹⁸ Ankehitriny, alohan'ny hanokafantsika ny Teny ankehitriny ho an'ny hariva... Oh, afaka mamadika an'ireo pejy tahaka an'izao isika, fa Andriamanitra no tsy maintsy manokatra Azy; satria ny Soratra dia tsy fandikana manokana, fa ny Fanahy Masina izay nanoratra ny Soratra no Mpandika teniny. Noho izany dia ndao isika hanondrika ny lohantsika ankehitriny raha mivavaka. Ary firy no te-hotsarovana ao amin'ny vavaka, hampahafantarinareo amin'ny tànanareo mitsangana fotsiny ve izany, na inona na inona ilay izy? O Andriamanitra, jereo. Mila isika rehetra, sa tsy izany? Izaho dia manana ilaina, ihany koa, ry sakaiza. Manangana ny tànako aho.

¹⁹ Ray any An-danitra, am-panetre-tena sy am-pahanginana ary am-panajana no idiranay ao amin'Ny Fanatrehanoao malaza lehibe, mahafantatra, fa alohan'ny hitrangan'io zavatra anankiray io, dia eto Ianao satria Ianao no nampantanena ny ho tonga. Hoy Ianao, talohan'ny Fandehananao hoe, "Na aiza na aiza iangonan'ny roa na telo amin'Ny Anarako, dia ho eo afovoan'izy ireo Aho. Ary raha hifanaiky eo amin'ny zavatra tokana izy ireo, tahaka ny mikasika zavatra anankiray, mangataka, dia hahazo." Tompo, mba hitondrana ny Fampantanenao ho amin'ity, ny fividianan'Ny Rànao, dia mangataka aho mba ny lehilahy tsirairay, vehivavy, na ankizy, izay nanangana ny tànany izao hariva izao, Fantatrao ny fon'izy ireo, enga anie izy ireo hahazo an'izay angatahiny. Ekeo izany, Tompo.

²⁰ Vahoaka iray manana ilaina izahay. Mandeha amin'ny tontolo maizina iray izahay, miaraka amin'ny Fahavalonao lehibe, ka, tsy afaka hiady aminy mihitsy izahay raha tsy nohon'Ny Fanahinao Masina. Noho izany dia matoky izahay, mino, ary mihetsika amin'ny finoana, fa Izy no handeha eo alohanay ka hanao ny lèlanay hazava. Fandrika maro eny andàlana, napetraka ho an'ny tongotray reraka, saingy miezaka izahay ny manaraka ny dian-tongotra feno Rà an'Ilay nandresy ny fahafatesana, ny helo, ary ny fasana.

²¹ Tariho lèlana izahay, izao hariva izao, amin'Ny Fanahinao Masina, Tompo, ho any amin'ireo Teny izay tokony holazaina, avy eo dia tariho lèlana ireo Teny hankao amin'ny fo izay mila Azy ireo. Avy eo, Tompo, enga anie amin'ny fiafaran'ny favoriana, ka manomboka mankany amin'ny tranonay samihafa izahay, enga anie izahay ho afaka hiteny indray, tahaka an'ireo avy tany Emaosy hoe, "Tsy nangorakoraka tao anatintsika ve ny fontsika raha niresaka tamintsika teny an-dàlana Izy?" Fa mangataka an'izany amin'ny Anaran'i Jesosy izahay, ary nohon'ny Aminy. Amena.

²² Ho anareo izay mandray naoty ny Soratra, mamadiha miaraka amiko ankehitriny ao amin'ny bokin'ny Mpanjaka Voalohany. Maniry aho ny hamaky ampahany iray an'ny andininy faha-17...toko faha-17, raha ny marina, ary hanomboka amin'ny andininy faha-14 aho. Mamaky ny andininy faha-14, faha-15 ary faha-16-n'ny toko faha-17-n'ny Mpanjaka Voalohany:

Fa izao no lazain'i TOMPO Andriamanitry ny Isirael, Tsy ho lany ny koba ao amin'ny barika, ary tsy ho ritra koa ny diloiloo ao amin'ny tavoara, mandra-pahatongan'ny andro...andatsahan'ny TOMPO ranonorana amin'ny tany.

Dia nandeha izy ka nanao araka ny tenin'i Elia: ary izy, sy izy, ary ny ankohonany, dia nihinana andro maro.

Ary tsy lany ny koba tao amin'ny barika, ary tsy ritra koa ny diloiloo tao amin'ny tavoara, araka ny tenin'i TOMPO, izay nampilazainy an'i Elia.

²³ Tsy maintsy efa ho misandratr'andro tamin'izany rehefa nifoha izy. Nahodiny teo ambonin'ny ondana ny lohany reraka rehefa nandre tomanin'alahelo, kely teo am-pitan'ny efitra izy. Ary tsy nahita tory nandritra ny alina manontolo izy, nivadibadika izy noho io loza lehibe io. Nifoha indray ilay zazalahy kely, tsy natoy nandritra ny roapolo na telopolo minitra, ary toa reko ny feony kely nanao hoe, "Mama, tsy hivoaka ve ianao ka hijery ao anatin'ny fitehirizan-tsakafo indray ary hahita raha tsy misy tapa-mofa kely iray ao? Tena noana aho! Tsy mahita tory mihitsy aho."

²⁴ Ary raha njery ny tavany kely niaraka tamin'ny...ny takolany kely milentika izy, ary ny masonry kely mivadika mavo, ny volony lava mihantona satria tsy voahety, ny lobaka fitondra mandriny kely rovidrovitra; mikoriana eo amin'ny tavany kely ireo ranomaso goavana avy eo amin'ny masonry, ary nikapokapoka azy teo amin'ny takolaka izy ka nanao hoe, "Malala, manandrama mandeha matory, ary aoka hahazo."

²⁵ Efa telo taona izay no tsy nisy ranonorana teo ambonin'ny tany. Nandohalika teo amin'ny gorodona izy, toa hitako izy rehefa niantsoantso an'Andriamanitra, hoy izy hoe, "O Tompo Andriamanitra, Jehovah, Ianao no Andriamaniry ny razanay, Izay namahana an'ireo Zanakao sy niahya azy ireo nandrity ny taona maro. Ary niezaka ny hiaina marina sy mahitsy Taminao aho, ary ankehitriny aho eto dia mahita ny zanakolahy kely mitaky zavatra hohanina, nefo tsy misy na inona na inona homena azy. Nandritra ny herinandro maro ankehitriny no efa nameranay ny tenanay ho eo amin'ny toerana iray misy sakafio anankiray isaky ny telo na efatra andro, ary ankehitriny dia tapitra ny rehetra afa-tsy koba kely eran'ny tåvana sy diloiloo iray sotro fotsiny. Ary miezaka aho ny hitahiry an'izany mandrapahatongan'ny misandratr'andro, mba tsy ho faty izahay raha mbola alina ny andro. Inona no nataoko, O Andriamanitra? Izaho, mpanompovavinao, dia niaina mahatoky. Very tany amin'ny ady ny vadiko, ilay ady ho an'ny Tompo, ary efa mpitondratena aho nandritra ny taona maro ankehitriny, ary niezaka aho ny hiaina marina sy nitandrina Ny Didinao. Ary raha izao no fotoana handehanako, dia tsy mampaninona ahy; fa ny zanakolahy kely, mandrovitra ny foko fotsiny ny mandre azy miangavy zavatra hohanina, nefo tsy misy na inona na inona homena azy."

²⁶ Ary rehefa nitsahatra nivavaka izy, dia nitsangana. Niverina natory indray izy nandritra ny fotoana fohy. Ary nampakatra ny sandriny izy, ary saiky potika mihitsy ilay akanjo fitondra mandry rovidrovitra izay nanaovany. Mandeha eo ambaravarankely izy ary mijery any ivelany, ary efa saiky hiposaka ny andro. Oh, tena nahamay ny andro!

²⁷ Nitsoka tamin'ny firenena iray izay nanadino an'Andriamanitra ny rivotra mahamay an'ny fitsarana. Nandritry ny nanjakan'i Ahaba izany, ilay mpanjakan'ny Isiraelly lozabe indrindra sy ratsy fanahy. Ary nanambady mpanota iray izy, Jezebel, izay mpanompo sampy iray. Ary ny fanambadiana iray mifangaro tahaka an'izany dia tsy mahomby mihitsy, tsy mety mihitsy izany, na ilay vehivavy no handeha amin'ny lâlan'ilay lehilahy na ilay lehilahy handeha amin'ny lâlan'ilay vehivavy. Ary vehivavy kely iray tena manintonia izy, ary Ahaba, karazana mpino matimaty iray fotsiny, dia nanaiky ny heviny ka nanao hoe, "Oh, eny, tsinontsinona ny fivavahana ho ahy, mpanjaka iray aho." Ary efa ela no nandràvan'izy

ireo an'ireo alitaran'Andriamanitra ka nananganany an'ireo alitaran'i Baalim, na Bala, raha ny marina. Ary ilay antsoantso dia nanohitra mafy ny fivavahana marina hany ka nilefitra teo ambanin'ilay fanerena lehibe ireo mpitoriteny.

²⁸ Fotoana vitsy lasa izay dia nanao fanamarihana iray mikasika an'ireo mpitoriteny aho, na zavatra hafa amin'izao andro izao, ary nihaona tamiko ny vondrona iray ka nanao hoe, "Rahalahy Branham, manosika anay fotosiny ny fiangonanay!" Izany no mahatonga an'ilay izy, hivoaka ny fiangonana raha tsy mahafaly azy ireo ilay mpitoriteny.

²⁹ Ary efa ela no nahalavoan'ireo mpitoriteny teo ambanin'ny fitaoman'ilay mpanjaka satria azo natao ny fahotana, tsy nisy fetra. Tena sary tsara iray an'izao andro izao izany satria, ny firenena no nanohana an'ireo zavatra ireo, te-halaza ny vahoaka. Nieritreritra izy ireo hoe, "Raha mbola ny firenena foana no niteny an'izany, dia nety tsara izany." Tahaka an'izany no lazain'izy ireo amin'izao andro izao, "Raha mbola ny firenena foana no miteny fa mety tsara ny mivarotra labiera, amin'izay fotoana izay dia mety tsara ny misotro azy. Raha ny firenena no mamela an'ireo vehivavintsika hitafy tapaka eny an-dàlambe, ka tsy misakana azy ireo ny lalàna, nahoana, mety tsara ny manao an'izany." Mety ho mety tsara izany ho an'ny firenena, fa ao amin'ireo bokin'Andriamanitra lehibe dia tompon'andraikitra ianareo ary tsy maintsy hamaly eo anatrehan'Andriamanitra. Saingy lavo izy ireo, tsy maintsy nilefitra teo ambanin'ilay vesatra.

³⁰ Ary niroborobo ilay firenena, ka nihevitra izy ireo fa ny fanambinana dia famantarana iray fa nomba azy ireo Andriamanitra. Tsy fahamarinana tanteraka izany. Andriamanitra dia manatona anareo . . .

³¹ Misy ohabolana fahiny iray, ohabolana manala baraka an'Andriamanitra, izay milaza fa "Andriamanitra dia manampy an'ireo izay manampy ny tenany." Manala baraka izany ho an'Andriamanitra! Andriamanitra dia manampy an'ireo izay tsy afaka manampy ny tenany. Izy no Andriamanitr'ireo izay mila famindrampo. Ary Andriamanitra iray mamindra fo Izy. Ary io ohabolana io izay milaza fa "Manampy an'ireo izay manampy ny tenany Izy," raha afaka manampy ny tenanareo ianareo, dia tsy mila ny Fanampiany. Fa manampy an'ireo izay tsy afaka manampy ny tenany Izy.

³² Fa ny firenena dia nihevitra hoe, raha mbola nihinana tsara foana izy ireo ary nitafy tsara, dia ho mety tsara ny zavatra rehetra.

³³ Fa nisy iray izay mbola lany andro foana, izay nino fa nisy Andriamanitra iray izay lany andro, nino fa nisy Andriamanitra iray izay nihazona Ny Teniny, nino fa ilay Andriamanitr'i Abrahama, Isaka ary Jakoba, dia masina ka nitaky ny fanoloran-

tena tanteraka ho an'ny Fahamasinany. Fa Jezebela sy ny ekipany moderina dia nankahala azy. Izy no pasiteran'izy ireo, saingy tsy nino an'izany izy ireo. Noho izany, dia tsy maintsy niafina izy ho an'ny ainy.

³⁴ Ary Andriamanitra nandefa azy teny ambonin'ny tendrombohitra, ka nilaza...nanome azy hafatra iray, ka nanao hoe, "Midina ary lazao amin'io mpanjaka antitra ratsy fanahy io hoe, 'HOY NY TOMPO HOE.' Tsy hisy ranonorana, na ando akory aza hilatsaka, raha tsy ianao no miantso azy." Nametraka an'izany teo am-bavan'i Elia hiantsoana ranonorana rehefa tonga ny fotoana ho an'izany; fa nanana ny fanalahidin'ny lanitra izy, izy no afaka nanidry na nanokatra an'izany. Ary hoy Izy hoe, "Tiako ianao hivoaka avy any an-efitra...an'ity... hankany an-efitra, raha ny marina, hivoaka amin'ity korontana ity. Mivoha avy eo anivon'izy ireo. Efa nitory teny tamin'izy ireo ianao fa tsy hihaino anao izy ireo, ary miharatsy hatrany izy ireo. Mandehana mankany an-efitra, ka mipetraha eo akaikin'ilay ony, Kerita, ary Izaho dia...efa nandidy ny goaika hikarakara anao." Oh, raha tsy hanao ny olona, dia manana goaika izay afaka manao an'izany Andriamanitra!

³⁵ Hoy i Jaona hoe, "Andriamanitra dia mahay manangana zanaka ho an'i Abrahama avy amin'ireto vato ireto."

³⁶ Hoy Jesosy hoe, "Raha mangina izy ireo, dia ireo vatolampy no hiantsoantso avy hatrany."

³⁷ Afaka manao an'izay Tiany hatao Andriamanitra. Hoy Izy hoe, "Efa nandidy an'ireo goaika Aho, ka izy no hamahana anao." Dia nitondra hena sy mofo ho azy izy ireo.

³⁸ Hoy ny olona iray indray mandeha hoe, "Taiza no nahazoan'izy ireo an'izany, Rahalahy Branham?"

³⁹ Hoy aho hoe, "Tsy fantatro. Ny zavatra tokana fantattro, dia nitondra an'izany izy ireo. Azon'izy ireo izany avy teo amin'ilay toerana iray ihany izay nahazoan'i Jesosy rehefa naka trondro dimy Izy sy...na bisky dimy sy trondro roa, ka namahana dimy arivo. Avy tamin'ilay tangan'Andriamanitra Tsitoha mpamorona iray ihany izany." Ary nitondra trondro sy mofo ho azy izy ireo, ireo goaika, ary nipetraka ka nanolotra an'izany ho an'i Elia, dia nohaniny izany, ary niondrika ka nisotro avy tamin'ilay loharano. Nampiala sasatra ny Mpaminaniny Andriamanitra.

⁴⁰ Oh, tena faly aho fa manana lèlana iray handosirana Andriamanitra! Ary rehefa nihevitra izy ireo fa adala izy, "Io mpaminany antitra io, mpamono fifaliana antitra," miezaka foana ny manala ny fifaliana amin'ireo fety sambatra keliny izay nananan'izy ireo, niteny tamin'izy ireo fa fahotana izany. Ary Andriamanitra...nanaraka ny fanirahan'Andriamanitra izy, niakatra tany an-tendrombohitra ary nipetraka teo amin'ny toerana avo, ilay toerana maina indrindra tao amin'ny firenena.

Fa nanohy nampandeha an'ilay ony Andriamanitra. Fa izy ireo tany dia nitsakotsako ny lelany nitady rano.

⁴¹ Fantatrareo, fa manana fomba iray hamaliana vavaka Andriamanitra. Niaina mahatoky ity vehivavy kely ity. Tsy nanambady indray izy, njanona ho mpitovo izy mba hihaona amin'ny vadiny any amin'ny voninahitra. Vehivavy mendri-kaja iray izy. Ary nandritra ny herinandro ilay barika no efa nihena, nihena, ary izy nivavaka tsy ankitsahatra, nefä mbola toy ny hoe tsy nisy fanantenana hita na taiza na taiza.

⁴² Fantatrareo, eo no ahafahantsika maka lesona iray avy amin'izany. Hoe, raha nivavaka ianareo ary nahatanteraka an'ireo fitakiana rehetra izay takian'Andriamanitra ho tanterahanareo, nefä mbola mangina foana Izy, tsy milaza na inona na inona Izy, kanefa efa nahatanteraka an'ireo fitakiana ianareo, ankehitriny, dia inona no mitranga amin'izay fotoana izay? Raha fantatrareo fa efa nahatanteraka an'ireo Fitakiany ianareo ka nanao an'izay rehetra fantatrareo hatao, amin'izay fotoana izay dia tsy mihozongozona ny finoana, mipetraka tsara fotsiny izy ary mieritreritra pozitifa. Ny finoana dia mandray ny fifikirany mandrakizay eo amin'ilay Vatolampin'ireo Taona, ary tsy mihetsika.

⁴³ Io lehilahy lehibe io izay antsoina hoe "finoana"! Mazàna aho no nilaza hoe, "Manana volo eo amin'ny tratra ny finoana." Rehefa miteny izy, dia mangina ny zavatra hafa rehetra. Rehefa hoy ny finoana hoe, "Mangìna!" dia mijanona ny zavatra rehetra, satria izy no sefo.

⁴⁴ Ary efa nahatanteraka ny fitakiana tsirairay izy. Niaina madio izy, niaina mendrika izy, niaina mendri-kaja izy, ary nahatanteraka ny fitakian'Andriamanitra rehetra izy. Nefä, toy ny hoe nangina Izy. Manao an'izany Andriamanitra indraindray mba hitsapana anareo, mba hahitana hoe karazana fihetsika inona no hanananareo. Aza adino izany!

⁴⁵ Raha mandalo eto amin'ny lampihazo ianareo, ivavahana ianareo, ary nametraha-tànanana ianareo, nefä toa tsy misy na inona na inona mitranga, dia tsy mahasakana ny finoana izany na kely aza, efa nahatanteraka an'ireo fitakin'Andriamanitra ianareo. Ankehitriny, raha efa nahatanteraka azy ireo ianareo! Ankehitriny, raha mifikitra amin'Andriamanitra ianareo, fantatrareo fa manameloka anareo ny fonareo... Ary fantatsika, "Raha tsy manameloka antsika ny fontsika, amin'izay fotoana izay dia mahazo isika." Ankehitriny, fa raha manameloka antsika ny fontsika, dia tsy ilaina ny mandalo eo amin'ny lampihazo, tsy ilaina ny mangataka na inona na inona amin'Andriamanitra, satria tsy manana finoana handray an'izany ianareo. Fa rehefa nahatanteraka ny fitakiana tsirairay izay takian'Andriamanitra ianareo, amin'izay fotoana izay dia

mivoaka eo ny finoana, ka nanao hoe, “Andriamanitra dia Andriamanitra! Nahatanteraka an’ireo fitakiana aho.”

⁴⁶ Hoy ny Soratra hoe, “Izay miandry ny Tompo dia hanavao ny heriny, elatra no hiakarany tahaka ny voromahery, hihazakazaka izy ireo fa tsy ho reraka, handeha fa tsy ho sasatra.” Tahaka ny lazain’ilay hira hoe, “Ampianaro aho, Tompo! Oh, ampianaro aho, Tompo, ahoana no iandrasana.” Sasao amin’ny Ràn’i Kalvary ny fanahiko, hanatanteraka ny fitakiana tsirairay, handoro an’ireo tetezana rehetra manodidina, ka hanao hoe, “Ankehitriny, Tompo, tsy misy na inona na inona entiko eto an-tsandriko, eo amin’Ny Hazo fijalianao fotsiny no ifikirako. Ianao no nampantanena an’izany, Tompo.” Izany ilay karazana fepetra, ny antony iheveran’ny olona fa mpitoka-monina aho. Fa ao amin’ny efitra, na eny amin’ny sisin’ny tany efitra, dia izany no fepetra tsy maintsy hidiranareo alohan’ny handehananareo hanketo amin’ity polipitra eto ity. Satria, i Satana dia mitofoka foana ao anatin’ireo demony kely mba hiezaka hanakorontana zavatra. Ary tsy maintsy mifikitra tsara amin’ny Hazo fijaliana ianareo, tsy mitoky amin’ny fahaizanareo manokana, ny eritreritraiseo manokana, fa miantehitra fotsiny amin’ilay Sandry mandrakizay. Tsy mihambo ho mahay, tsy mihambo amin’ny fisainanareo manokana, manokatra ny tenanareo fotsiny ianareo ary mamela ny Fanahy Masina hiteny. Izany no toerana tian’Andriamanitra hisy Ny Fiagonany. Midira ao anatin’izany toerana izany.

⁴⁷ Mizaha toetra anareo Andriamanitra. Ny zanaka rehetra izay manatona an’Andriamanitra dia tsy maintsy zahan-toetra aloha, faizina, mba hahitana raha mahatanty famaizana izy. Raha manatona isika ka manao hoe, “Mino aho fa Jesosy Kristy no Zanak’Andriamanitra, ka maty nohon’ny fahotako Izy ary nitsangana indray tamin’ny andro fahatelo. Izy dia voalefona nohon’ny fahadisoako, nototororoina nohon’ny heloko. Ny famaizana ho an’ny fiadanako dia natao teo Aminy, ary ny Dian-kapokany no nahasitranana ahy.” Rehefa milaza an’izany ianareo, miaraka amin’ny voaaiky... ny fahotanareo sy ny helokareo rehetra, ary ny fahaizanareo sy izay rehetra anananareo, mipetraka eo ambonin’ny alitara, amin’izay fotoana izay, eo, tsy misy na inona na inona eo an-tsandrinareo, dia hitifitra ny zana-tsipika rehetra aminareo arak’izay vitany i Satana. Fa amin’izay fotoana izay raha mihodina miala eo ianareo ka manao hoe, “Eny, angamba tsy voavonjy aho, angamba tsy sitrana aho,” avy eo dia miala amin’Ity, dia nilaza ny Baiboly fa ianareo dia “zanaka tsy ara-dalàna, fa tsy zanak’Andriamanitra.”

⁴⁸ Andriamanitra dia mizaha toetra ny zanak’i Abrahama tsirairay tahaka ny Nataony tamin’i Abrahama, satria taranak’i Abrahama isika. Satria maty ao amin’i Kristy, dia taranak’i

Abrahama isika ary mpandova araka ny teny fikasana. Taranak'i Abrahama, izany ilay fanahy izay nananan'i Abrahama. Nanana ny teny fikasana nomena izy. Ary raha natoky an'Andriamanitra ny raintsika ka nandray teny fikasana iray, tsy azo atao iray, ary nihazona an'izany nandritra ny dimy amby roapolo taona talohan'ny hany nisehoany, niha-natanjaka foana, ny taranany dia tahaka ny rainy mihitsy. Tsy mampaninona izay mitranga, rehefa nivavahana isika, dia milamina hatreо izany! Rehefa manala ny zavatra rehetra amin'ilay làlana isika, nahatanteraka an'ireo fitakiana rehetra, manala ny zavatra rehetra amin'ilay làlana, amin'izay fotoana izay dia mangataha amin'Andriamanitra, ary mitsangàna eo mahafantatra fa ho azonareeo ilay izy.

⁴⁹ Nizaha toetra an'i Joba tahaka an'izany Andriamanitra. Rehefa nangataka famindrampo Joba, nanolotra fanatitra ho an'ireo zanany, ny zavatra tokana izay nananan'io mpaminany io dia fanatitra dorana iray. Saingy izay ihany no notakian'Andriamanitra.

⁵⁰ Tsy mitaky fianarana iray sy hadalana betsaka Andriamanitra, fo voatolotra ho an'ny Sitrapony no Takiany. Tsy mangataka anareo hiakanjo amin'ny fomba anankiray Izy, na-na mandeha mankany amin'ny zavatra sasany na mankany amin'ny kolejy sasany, na diploma. Mangataka fanahy iray manetry tena Izy, manenina, torotoro, ary fo iray vonona handray Azy.

⁵¹ Nizaha toetra an'i Joba Izy, ary nahita hoe karazana fihetsika inona no ho Hitany tao aminy. Fa rehefa naka ny ondriny Izy ka naka ny ombiny, sy naka ny ramevany, ary naka an'ireo zanany hoe, "Ho Hitako izay lazain'i Joba ankehitriny."

⁵² Dia hoy izy hoe, "Ny Tompo no nanome ary ny Tompo no nanaisotra, isaorana anie ny Anaran'ny Tompo."

⁵³ Hitany fa izay Noteneniny tamin'i Satana dia Nananany tao amin'i Joba, "Tsy misy tahaka azy, eny ambonin'ny tany."

⁵⁴ Dia manomboka mierona ny kotrokorana, manomboka mitselatra ny tselatra. Tonga tamin'ilay mpaminany ny Fanahy, ka nihiakiaka izy hoe, "Fantatro fa velona ny Mpanavotra ahy, ary hitsangana eto an-tany Izy amin'ny andro farany. Na dia ravan'ny kankan'ny hoditra aza ity vatana ity, dia mbola hahita an'Andriamanitra amin'nynofoko aho; Izay izaho ihany no hahita, ny masoko no hibanjina, fa tsy ny hafa."

⁵⁵ Nizaha toetra an'ireo zanaka Hebrewo Izy mba hahitana hoe karazana fihetsika inona no hananan'izy ireo. Niaiky teo anivon'ireo mpanompo sampy izy ireo hoe "Nisy Andriamanitra velona iray, nisy Jehovah Andriamanitra iray, ary Izy no Andriamaniry ny Lanitra sy Andriamaniry ny tany, ary Izy no nihazona ny fanahy rehetra teny an-Tanany." Noho izany dia navelan'Andriamanitra voazaha toetra izy ireo. Ary efa

nahatanteraka an'ireo fitakiana rehetra izy ireo, nivavaka izy ireo ary nanala ny zavatra rehetra teny amin'ny lâlana. Ary tsy nety niankohoka tamin'ny sarin'ilay mpanjaka izy ireo. Ary nafanainy hahamay impito heny noho ny hany nahaizy azy ny lafaoro. Ary tsy isalasalana fa niezaka niteny tamin'izy ireo i Satana hoe, "Izao no fiafaran'ilay lâlana." Tiako ny fomba niresahan'izy ireo hoe, "Ny Andriamanitray dia mahay manafaka anay amin'izany lafaoro afo mirehitra izany, nefà, na izany aza, raha tsy manao Izy, dia tsy handika ny Didin'Andriamanitra izahay. Hitoetra mahatoky izahay! Avelao ny finoanay haneno mandritra ny taona ho avy, hoe, nitoetra mahatoky tamin'ny teny fikasan'Andriamanitra izahay."

⁵⁶ "Ny Andriamanitro dia mahay manasitrana ahy amin'ity." Na, "Ny Andriamanitro dia mahay maka ahy hiala amin'ity seza misy kodiarana ity. Ny Andriamanitro dia afaka manao an'ity. Saingy nanaiky Azy ho Mpanasitrana ahy aho. Niaiky ny fahotako aho (ny tsi-finoako) ary niaiky aho ka mino fa Izy no Mpanasitrana ahy. Avelao ho tonga, avelao handeha izay mety handeha. Raha tsy salama aho androany, dia ho salama aho rahampitso; raha tsy salama aho rahampitso, dia ho salama aho amin'ny taona manaraka. Ny Tompo no nanome ary ny Tompo no nanaisotra, isaorana anie ny Anaran'ny Tompo!"

⁵⁷ Oh, izany ilay izy! Ary raha niditra tao amin'ny lafaoro afo izy ireo, teo ambanin'ny fizahan-toetra, teo ambanin'ny fitsapana, dia nihazona hatramin'ny farany izy ireo. Fa teo Andriamanitra tao anatin'ny fotoana fohy, ka nanafaka azy ireo Izy. Fantatr'izy ireo fa nivavaka izy ireo, voaalky ny fahotan'izy ireo. Fantatr'izy ireo fa nahatanteraka ny fitakiana rehetra izy ireo, kanefa toa nangina Izy. Mangina fotsiny Izy mba hitsapana anareo, hahitana marina tokoa hoe inona ianareo, inona no ao anatinareo, hahita raha hentitra marina tokoa avy amin'ny fonareo an'izay lazainareo amin'ny molotrareo ianareo. Aoka hilentika lalina izany. Afaka milaza amin'ny molotsika isika, saingy ny fontsika ve no milaza an'ilay izy?

⁵⁸ Ankehitriny, rehefa fantatr'ity vehivavy kely ity fa nahatanteraka an'ireo fitakiana rehetra ireo izy, nefà mbola nangina foana Andriamanitra. Toa tsy niraharaha azy akory aza Izy, tsy niraharaha Izy na velona izy na maty. Saingy, nandritra ny fotoana rehetra, dia niasa Andriamanitra. Tsy fantany ny mikasika an'izany, fa Andriamanitra no niteny tamin'i Elia. Nahamaininy ilay ony, nahinjiny ny Tànany ka najanony tsy handeha ilay ony. Dia hoy Elia hoe, "Tompo, nahoana no nijanona ilay izy?"

⁵⁹ Hoy Izy hoe, "Efa nandidy vehivavy mpitondratena iray Aho hamahana anao." Efa nandidy azy Izy, fa tsy fantany izany.

⁶⁰ Mety ho efa nandidy anareo ho vavolombelona iray mikasika ny fanasitrananareo Izy; mety tsy fantatrareo izany, fa mifikira

fotsiny. Rehefa azonareo antoka fa nahatanteraka an'ireo fitakiana rehetra ianareo, rehefa fantatrareo fa efa nanao izay rehetra fantatrareo hatao ianareo, ka nametraka ny tenanareo teo anatrehan'Andriamanitra, dia zavatra tokana ihany no atao, dia, mifikitra eo amin'ny Fampanantenany avy eo. Mijanòna eo! Andriamanitra no nampanantena hamaly, Hataony izany. Tsy fantatrareo izay Nodidiany, anjely inona, na *inona* no hatao. Mety ho izao hariva izao izany, alohan'ny anombohan'ny asampanasitranana rahampitso hariva. Mety efa hitan'Andriamanitra ny toeranareo androany, mety efa nandre ny vavakareeo Izy.

⁶¹ Tena nalahelo an'ireto olona marenina sy moana ireto aho. Te-hametra-tànana eo amin'izy ireo aho ary hivavaka ho azy ireo, nanomboka nijanona omaly hariva, fa nilaza aho hoe tsy ho tsara izany ho an'ny sisa amin'izy ireo. Fa ahoana no ahafantarako fa tsy misy Andriamanitra mangina iray any ho any izay mahafantatra ny fo, nahatanteraka ny fitakiany an'Andriamanitra ireo olona ireo, ary vonona izy ireo, ary misy anjely iray eto izao hariva izao hanafaka azy ireo amin'ny fahoriany rehetra? Ahoana no ahafantarako? Mety efa nandidy ny fanafahana azy ireo Andriamanitra izao hariva izao. Na mivavaka ho an'ny marary aho, na tsia, dia hahazo an'izany izy ireo satria Andriamanitra no nitaky an'izany. Aoka hahazo antoka an'Andriamanitra, ary avy eo dia mifikira, tanteraho ireo Fitakiany. Andriamanitra dia mahafantatra hoe ahoana no hanaovana zavatra izay tsara, mahafantatra hoe ahoana no anaovana azy amin'ny fomba tsara.

⁶² Ankehitriny, zavatra tena hafahafa izany hoe Andriamanitra no haniraka ny Mpaminaniny ho any an-tranon'ny vehivavy mpitondratena iray. Toerana iray toy ny inona! Saingy tsy maintsy ho tena vehivavy tsara toetra tokoa izy, raha tsy izany dia tsy ho naniraka ny Mpaminaniny tany mihitsy Izy. Oh, raha mendrika ny olona iray, dia tsy maintsy ho olona mendrika iray hampiantrano lehilahy iray tahaka an'i Elia.

⁶³ Tsaroanareo, Zakaria ilay izy, tao an-tranony, fa nahatoky sy marina izy, niandry an'Andriamanitra hanome zaza iray ho azy ireo, ka ilay Anjely, Gabriela, no tonga tao an-trano. Maria virijiny ilay izy izay niaina madio sy mangarangarana, ary niandry teny fikasan'Andriamanitra iray, no Nanirahany Anjely iray.

⁶⁴ Miresaka momba ny fandehanana mihodinkodina miaraka amin'izao tontolo izao sy ny misakaiza an'izao tontolo izao, nefá avy eo dia manantena hahita anjely sy hanana fahagagana vita, any ivelan'ny fandaharan'Andriamanitra izany. Tsy maintsy miaina tsara ianareo. Diovy ny trano, diovy ny fahazaranareo, diovy ireo zavatr'izao tontolo izao, ialao ireo karatrareo sy ny fikambananareo amin'izao tontolo izao, aoka ho vonona, ary avy eo dia afaka miteny ilay Anjelin'Andriamanitra ka manao

hoe, "Aza matahotra, Izaho izany." Amin'izay fotoana izay vao miseho ny zavatra rehetra. Fa izy...

⁶⁵ Nandohalika nivavaka ilay vehivavy kely, tsy nahafantatra fa tonga nidina ny tendrombohitra ilay mpaminany. Nanana fahitana izy, aiza no haleha. Tsy mitarika ny Olony am-pahajambana Andriamanitra, miteny amin'izy ireo Izy hoe aiza no halehan'izy ireo. Nijery ny tao an-tanàna izy. Oh, nahatsiravina izany. Maty noana ny vahoaka, ka nikiakiaka nitady rano, ary vahoaka noana. Taratry ny fahalotoam-pitondrantena izany. Taratry ny fahotana izany.

⁶⁶ Ary handoa an'izany ity firenena ity. Ianareo tsy afaka... Ireo mizàna, na dia ny lalàn'ny natiora aza dia tsy hamela an'izany hisy, nefà isika dia—nefa isika dia mandany vola amin'ny fiainana mikorontana, ary ny antsasak'izao tontolo izao dia maty noana (olombelona izay nahafatesan'i Kristy izy rehetra).

⁶⁷ Izany no antony maha-ao am-poko an'ireo sahan'ny misiona. Manana mpitoriteny mahafinaritra ianareo eto Phoenix, ary manerana an'i Etazonia sy ny toerana rehetra, fiangonana isaky ny zoron-dàlana, lehilahin'Andriamanitra malaza, asampanasitranana, lehilahy malaza tahaka an'i Oral Roberts sy lehilahy malaza hafa, mitory teny. Ary misy olona any, eo am-pahafatesana amin'arivony isan'andro, izay tsy nandre ny Anaran'i Jesosy mihitsy. Mainity hoditra kely mahamantra, maloto, noana, any Afrika sy any Inde any, ankizy kely mandry eny andàlambe, eo am-pahafatesana, tsy mahafantatra akory aza hoe inona no dikan'ny "Andriamanitra." Nefà avy eo isika dia miady hevitra mikasika an'ireo fahasamihafana kelintsika mikasika ny finoana ara-pivavahana. Oh, tsy tsara marina tokoa izany (tsy mihevitra aho, ry sakaiza), raha ao am-ponareo ny hahita an'izany.

⁶⁸ Ankehitriny, mariho ity vehivavy kely mahamantra ity, rehefa avy njery teo am-baravarankely izy ka nahita fa efa saiky hiposaka ny andro, kely no nahafantarany an'izay niandry azy. Nihevitra izy fa fahafatesana ho azy sy ny zananilahy kely izany. Noho izany aho... Raha mbola matory izy, dia ndao isika hijery azy fotsiny mandritra ny minitra vitsivitsy. Mandeha izy, rehefa avy mivavaka, dia esorin miala amin'ny masonry ny volony kely, ary nanao hoe, "Ry zazalahy kely malala, tena mitovy betsaka amin'ny dadanao sarobidy, masina ianao. Toy ny ahoana no natokiany an'Andriamanitra! Toy ny ahoana no nanolorany ny ainy ho an'ilay antony ho an'i Israely, teny amin'ilay sahan'ady! Ary tena mitovy betsaka aminy ianao. Ary, Malala, tsy fantattro hoe nahoana no mijaly miaraka amin'ny meloka ny tsy manantsiny, saingy mijaly izy ireo."

⁶⁹ Ity firenena ity, ireo Kristiana, dia hijaly nohon'ny tsifahamarinana ao amin'ny politika, hanao ny firenena manontolo

hijaly.

⁷⁰ Ankehitriny toa hitako izy miditra ka manao hoe, "Hanamboatra mofomamy kely aho ankehitriny. Manana ampy ho an'ny mofomamy kely anankiray fotsiny aho an'ny—ny mofo tavela, ary rehefa mihinana azy izahay, avy eo dia ho faty izahay." Noho izany dia miditra ao an'efitra izy, ary maka an'ilay koba avy ao amin'ilay barikan-koba. Toa hitako izy manaparitaka azy fotsiny amin'ilay tànana kely, efa taolana, raha nanontsana an'ilay siny kely izay nisy azy; nokapohiny, ny vovoka kely tsirairay, ary farany dia nahazo ampy ho an'ny mofomamy anankiray fotsiny izy; mandeha mankany amin'ilay tavoara kely iray ary manainga azy ka mandraraka ny kely tsirairay amin'ny menaka avy ao, saiky eran'ny sotro.

⁷¹ Ankehitriny, ilay koba, ireo zavatra rehetra ireo dia misy dikany iray. Ny koba dia naneho an'i "Kristy." Kristy no koba-fanatitra. Rehefa nitoto ny koba ho fanatitra ahevaheva izy ireo, ho an'i Kristy, izay Kristy tao anatin'ilay fanatitra ahevaheva, ao amin'ny Testamenta Taloha, dia nototoin'izy ireo tamin'ny karazana vato fikoseham-bary iray izany, ka ny potin-koba kely tsirairay dia tsy maintsy tapaka mitovy mihitsy, satria Jesosy Kristy no tsy miova omaly, anio, ary mandrakizay.

⁷² Tsaroanareo rehefa ny sasany tamin'ireo sekoly tany no tsy nahafantatra ny fahasamihafan'ny voatangom-boalavo sy pitipoa, ary nanipy voatangom-boalavo tao anatin'ilay lasopy pitipoa, mba andrahoina, ka niantsoantso izy ireo hoe, "Misy fahafatesana ao anaty vilany."

⁷³ Naka koba eran'ny tànana i Elia, natsipiny tao anaty vilany izany, ary nanao hoe, "Mihinàna!" Inona no nataon'ilay koba? Ilay koba, tao anaty vilany, dia nanova azy avy tamin'ny fahafatesana ho amin'ny fiainana; avy tamin'ny loharanon-pahafatesana iray nankany amin'ny loharanom-piaianana iray.

⁷⁴ Izany ilay zavatra iray ihany izao hariva izao, rehefa misy fahafatesana ao anatin'ny sininareo. Kristy, natsipy tao anatin'ny sininareo, dia mitondra anareo avy amin'ny fahafatesana ho amin'ny Fiainana. Kristy no manao an'ilay fahasamihafana. Miditra ao am-pon'ny olombelona, oh, manome fiadanana izay mihoatra ny fahazoana Izy. Ary manome Fiainana Mandrakizay koa Izany, "Izay mino ny Zanaka no manana Fiainana Mandrakizay, ka tsy ho levona mihitsy."

⁷⁵ Ankehitriny, nalaindy ilay koba, izay naneho an'i Kristy. Ary Kristy no Teny. "Tamin'ny voalohany ny Teny, ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Kristy, ilay Koba-fanatitra! Avy eo dia lasa izy ary naka an'ilay diloilo. Ary ny *diloilo* dia maneho ny "Fanahy." Noho izany dia napetrany niaraka ny Teny sy ny Fanahy, ary nanomboka nanafangaro an'Izany.

⁷⁶ Oh, tsy maintsy misy zavatra hitranga rehefa miseho izany! Aoka ny Teny izay toriko izao hariva izao hilatsaka ao amponareo. Avy eo dia aoka hiditra ao ny Fanahy Masina ary handeha hanafangaro an'izany. Diniho izay miseho rehefa mametrakà ny Teny sy ny Fanahy miaraka ianareo! Hoy Jesosy tamin'ilay vehivavy teo amin'ny fantsakana hoe, "Ravehivavy, Teneniko amina, avy ny fotoana, ary tonga ankehitriny, izay itakian'Andriamanitra ny fivavahana amin'ny Fanahy sy ny Fahamarinana." Ary Izy no Fahamarinana.

⁷⁷ Ilay koba, jereo izay nataony, nafangarony niaraka ny Teny sy ny Fanahy. Maro ny olona manana ny Fanahy fa tsy misy ny Teny, ny sasany manana ny Teny fa tsy misy ny Fanahy. Fa alaivo, apetraho tsara ao amin'ny toerany izy roa Ireo, misy mofomamy iray eny amin'ny lâlana! Misy zavatra eo am-panaovana.

⁷⁸ Tsy nahafantatra an'izay nataony ilay mpitondratena kely mahantra, fa hoy Andriamanitra tamin'i Elia hoe, "Izaho efa nandidy azy."

⁷⁹ Ary teo amin'ny lâlany teo amin'ireo kivatovato i Elia, nidina mba hahita ny fahitany tanteraka tany ho any. Ary indro izy mitsangana eo, ny ranomasonry nofafany tamin'ny tânân'akanjony tonta rovidrovitra, ary nanao hoe, "O Jehovah Andriamanitra, tsy diso mihitsy ny finoako, ary tsy ho diso izany. Na ahoana na ahoana, tsy fantatro hoe ahoana ity rehetra ity, fa nampianarina izahay hoe ny zavatra rehetra dia miara-miassa hahasoa." Nafangarony io koba kely io, dia nataony vonona tanteraka ilay mofomamy kely arynofisahany. Hoy izy hoe, "Ankehitriny dia izao no fotoana hivoahako ka haka kitay vitsivitsy." Miverina izy ary manokatra ny varavarana, ka nanao hoe, "O Tompo, io kibo kely noana mandry eo io, ary efa roa na telo herinandro aho no tsy nihinana. Nomeko azy ny singan'ny mofomamikò."

⁸⁰ Izany no reny iray, fitiavan'ny reny ny zazakeliny, tsy misy na inona na inona tahaka an'izany, raha tsy ny fitiavan'Andriamanitra irery ihany: "Mety hanadino ny zanany minono ny reny, fa Izaho tsy afaka hanadino anareo mihitsy. Vita sokitra eo amin'ny Felatanako ny anaranareo." Ahoana no Ahafahany hanadino anareo? "Tsy hahafoy anao mihitsy Aho, na handao anao mihitsy. Homba anao mandrakariva Aho, hatramin'ny fahataperan'izao tontolo izao mihitsy aza."

⁸¹ Io izy mijery ny zazakeliny, angamba nihemotra izy ary nanoroka ny handriny kely. Na raha torana izy ka maty tany ivelany. Mivoaka izy. Vao nanomboka somary...nanomboka nipoaka ny masoandro teo amin'ireo havoanan'i Jodia. Ary mijery an'ilay masoandro manomboka mitsirika izy. Mandre ompa sy ny sisa izy eny an-dàlambe. Ary mivoaka eo an-tokotany izy ary, mariho, naka tsorakazo roa izy (tsy eran'ny sandry), tsorakazo roa. Inona izany? Ny "Hazo fijaliana."

⁸² Ankehitriny, ny rehetra dia mahafantatra, ny iray amin'ireo sakaizako Indiana eto dia mahafantatra, na mpihaza iray, ny fomba marina hanaovana afo haharitra, dia, ampifanapaho ny tsorakazo roa, vatan-kazo roa, ampireheto eo afovoany mihitsy izany, ary manohiza manosika fotsiny an'ireo tendro hiditra. Haharitra mandritra ny alina manontolo izany. Imbetsaka aho no nandry tany an-efitra, niaraka tamin'ny tsorakazo roa tsy lehibe kokoa noho *izao*, ary nitohy nafana nandritra ny alina manontolo. Ampy mba hihazonana hafana fotsiny, mihazona azy handeha eo afovoany mihitsy.

⁸³ Ankehitriny dia inona no hataony? Mandrehitra an'ireo tsorakazo roa ireo. Ary ny Teny sy ny Fanahy no nitondra ny fahafoizan-tena teo amin'ny hazo fijaliana, vonona ho amin'ny adidy, vonona ho amin'ny fiainana. Mametraka ny Teny sy ny Fanahy, izany no finoany ny Tenin'Andriamanitra amin'ny alàlan'ny Fanahy Masina, nitarika ny tenany hamoy ny zavatra hafa ho an'ny Hazo fijaliana. Ary rehefa nataony teo ambanin'ny sandrinry ilay tsorakazo, roa tamin'izy ireo, dia nanomboka niverina, nanomboka niverina izy, ary nisy feo iray avy teo amin'ny vavahady hoe, "Ramatoa."

⁸⁴ Talohan'izany mihitsy, antitra iray, sola loha angamba, ary volo fotsy miabantona eo amin'ny volombavany, ary miabantona ny volony, tsorakazo kely iray no eny an-tànany, hoditr'ondry antitra na zavatra iray no mandrakotra manodidina azy, mandeha eny an-dàlambe, manao hoe, "Tompo, fefy fotsy kely anankiray ilay izy. Hisy vehivavy tanora iray maha-te-ho tia eo" (tsy maintsy tanora izy, tanora ilay zazalahy) "eo an-tokotany. Ianao no niteny tamiko fa izany ilay mpitondratena izay tokony hamahana ahy. Ankehitriny, aiza no misy azy? Hanohy handeha aho." Ny Fanahy no mitarika azy amin'ity lâlana ity, avy eo dia manodina azy. Oh, tena mahafinaritra ilay izy rehefa tarihin'ny Fanahin'Andriamanitra ireo zanak'Andriamanitra. Tsy mampaninona na toa adaladala toy ny ahoana aza ilay izy, tarihina izy ireo! Mandeha izy... Midina eny amin'ny lâlambé anankiray izy ary miakatra amin'ny iray hafa, midina amin'ny lâlambé anankiray ary miakatra amin'ny iray hafa.

Afaka kelikely, hoy ny Fanahy hoe, "Jereo eo ankavananao."

⁸⁵ Ary mijery an'izany manodidina tahaka an'izao izy, tahaka ny Ataony eto amin'ny lampihazo mihitsy, isan-kariva. Oh, mbola tsy miova Andriamanitra! "Jereo eo ankavananao, eo ankavianao, misy olona mivavaka eo izay mila an'izany."

⁸⁶ Ary njery teo ankavanany izy. "Hono ho'aho, misy fefy kely fotsy io. Marina mihitsy izany. Tsy hiala eto mihitsy aho, satria io ilay hazo antitra mitsangana eo. Ary io ny zavatra rehetra fa araka ny hitako tao amin'ilay fahitana mihitsy." Mivoaka ny varavarana ary mivoaka ny vehivavy mahia kely iray.

⁸⁷ Ankehitriny, tsarovy, haka tsorakazo roa fotsiny izy. Tsy afaka naka telo izy, maka roa hanaovana an'ilay Hazo fijaliana. Naka tsorakazo roa izy ary nametraka an'izany teo an-tsandriny dia nanomboka niverina izy, nieritreritra hoe, "Hanao an'ilay mofomamy kely aho rehefa mifoha ilaikey. Ary avy eo dia hamahanako azy izany, tsy hihinana ho an'ny tenako mihitsy aho. Ary hataoko eo an-tsandriko ny zanakolahy kely, ary hipetraka eo izahay dia ho faty." Ary nitidra tao an-trano izy.

⁸⁸ Nandre feo hafahafa izy teo ampitan'ilay vavahady, nanao hoe, "Ravehivavy, hitondra rano fisotro kely ho ahy ao anaty siny ve ianao?"

⁸⁹ Dia nitodika izy, ary nieritreritra izy hoe, "Misy lehilahy antitra iray tsara fanahy mitsangana eo amin'ny vavahady." Nijery azy akaiky mihitsy izy, ary angamba namafa ny ranomaso tamin'ny masonry, mbola tena aloha be tamin'izany. Fantatrareo, manao zavatra tena hafahafa Andriamanitra. Vonona hamoy izy. Zavatra iray nahalana ny rano, tsy nanorana nandritra ny telo taona sy enim-bolana ny andro.

⁹⁰ "Hitondra ho ahy ve ianao . . ." Angamba Andriamanitra no niteny taminy hilaza an'izany, hahita an'izay hataony, mizaha toetra ny fihetsiny. "Hitondra rano fisotro kely fotsiny ho ahy ao anaty siny ve ianao?"

⁹¹ Dia njery azy izy. "Toa hafa izy. Misy zavatra mikasika an'ilay lehilahy antitra izay mampalahelo ahy."

⁹² Ny mpino an'Andriamanitra rehetra dia hizara hatramin'ilay tena fetra mihitsy amin'ny hafa. Eny. Izany no zavatra anankiray mikasika ny vahoaka Pentekotista, hanome ny lobaka eny an-damosiny izy ireo, ho an'ilay Antony. Marina izany. Izany no fahamarinana. Zavatra lehibe izany, iray amin'ireo zavatra lehibe amin'izy ireo. Izy ireo no mpanome lehibe indrindra eto amin'izao tontolo izao, satria fantatr'izy ireo fa tsy midika na inona na inona ireo fananan'ity tany ity. Mametraka ny hareny any An-danitra izy ireo, satria hiakatra any izy ireo indray andro any.

⁹³ Ary noho izany ity vehivavy ity, hoy izy hoe, "Hizara ny ranoko fotsiny aho. Ho faty izahay, noho izany dia hafoiko ny rano fisotroko, ary omeko an'ilay lehilahy mihaja antitra tsara fanahy mitsangana eo izany, satria toa mangetaheta sy reraka izy." Hoy izy hoe, "Ho entiko izany." Dia nanomboka nandeha izy.

⁹⁴ Ary nandre feo iray indray izy, nanao hoe, "Ary eo amin'ny tanganao ilany, hitondra tapa-mofo kely ho ahy ve ianao?" Oh, oadray! Ankehitriny, inona ankehitriny?

⁹⁵ Ny fanantenany farany an'ny fiainan'ny zanany. Ny fanantenana farany izay nananan'izy ireo, ary ho lany ny mofo, lany ny menaka, ho lany ny zavatra rehetra ankehitriny. Fa nitodika izy, ka nanontany. Hoy izy hoe, "Koba kely bitika

fotsiny no ananako tavela ao anaty barika. Manana menaka ampy fotsiny hanamandoana azy aho, ary efa namboariko izy, na, efa nafangaroko izy. (Manana ny Teny sy ny Fanahy mifangaro aho ao anatiny ao. Manana ny Hazo fijaliana aho eto hametrahana azy, hanao azy ho mofomamy iray mba hanome Aina.)” Ary amin’izay fotoana izay rehefa lasa miaraka ny Fanahy sy ny Teny, eo amin’ny Hazo fijaliana, dia izany no manao mofon’Aina iray ho anareo. Marina izany. “Ary nataoko niaraka izany, ka hiditra aho ankehitriny hanendy azy, ary homeko ny zanakolahy kely eo am-pahafatesana ao anatiny ao, izay niantsoantso zavatra ho hanina nandritra ny alina manontolo, izaho—tsy maintsy homeko azy izany. Hafoiko ny ahy ary izaho—homeko azy izany. Ary avy eo dia ho entiko eto an-tsandriko izy, ary hiandry fahafatesana izahay roa.”

⁹⁶ Hoy izy hoe, “Fa, anaovy anankiray kely aho, aloha.” Tsy hafahafa ve fa lehilahy iray no nangataka amin’ny vehivavy mpitondratena iray, eo am-pahafatesana, ny kely farany tamin’ny koba izay nananany tao an-trano, niaraka tamin’ny ankizy iray eo am-pahafatesana? Manao zavatra tena hafahafa Andriamanitra! Hoy izy hoe, “Anaovy anankiray kely aho, aloha!”

⁹⁷ Nianatra izy hoe, “Fantatrao, milaza ny Baiboly fa nampiantrano vahiny izahay. Nampiantrano vahiny izahay, anjely izy ireo, tsy nahafantatra an’izay nataonay.” “Eny,” hoy izy, “hataoko izany.”

⁹⁸ Ary rehefa nitodika izy, dia hoy izy hoe, “Satria...” Oh, oadray. Izay ilay izy, ny fampiononana lehibe indrindra izay hany nohenoin’ny mpino rehetra, “Satria, HOY NY TOMPO HOE!” Izany no Teny izay nandrasany. “HOY NY TOMPO HOE, ‘Tsy ho foana ny barika, ary tsy ho ritra ny tavoara, mandra-pahatongan’ny andro izay andefasan’Andriamanitra ranonorana eto ambonin’ny tany.”

⁹⁹ Inona no azontsika eo? Katsaho aloha ny Fanjakan’Andriamanitra, sy ny Fahamarinany, dia hanampy ny zavatra hafa rehetra. “Ahoana no ahafantaroko, Rahalahy Branham? Ahoana no ahafantaroko?” Ny zavatra tokana fantatro, dia apetraho aloha Andriamanitra dia mandrosoa. Fanatitra! Afangaroy ny menaka, afangaroy ny—ny Teny sy ny Fanahy miaraka, apetraho eo amin’ny Hazo fijaliana ny tenanareo, ka manaova hoe, “Inty aho, Tompo.” Apetraho aloha Andriamanitra amin’ny zavatra rehetra!

¹⁰⁰ “Satria, HOY NY TOMPO HOE, ‘Tsy ho ritra ny tavoara, na ho foana koa ny barika, mandra-pahatongan’ny andro izay andefasan’ny Tompo Andriamanitra ranonorana eto ambonin’ny tany.’” Fantany, tamin’izay, fa io no mpaminanin’Andriamanitra niresaka taminy. Oh, ahoana fa tsy maintsy nitsamboatra ny fony! Dia nihazakazaka niditra izy ka nanamboatra an’ilay

mofomamy kely ary nitondra azy teo aminy, niaraka tamin'ny rano, ireo tānana nangovitra teo amin'ireo takolaka antitra nilentika, fantany fa tonga Andriamanitra mba hamonjy, tamin'ny alàlan'ny sombi-mofo kely iray.

¹⁰¹ Oh, raiso fotsiny io teny fikasana kely iray an'Andriamanitra io, ary ataovy mahitsy ny zavatra rehetra, ary any ivelan'ny lèlana, diniho izay miseho! Raiso io fo io...ny tsy-finoana hanalavitra azy. Raiso fotsiny io finoana kely izay ananaranareo io, ary apetraho eo amin'ny Hazo fijaliana izany, ka manaova hoe, "Ity ihany no ananako, Tompo. Raiso izany"; diniho ilay fiovàna, "HOY NY TOMPO HOE." Oh, tsy miova mihitsy Izy androany tahaka Azy hatramin'izay. Izany no nandrasany.

¹⁰² Angamba toa tena maizina ilay izy ankehitriny, saingy, fantatrareo, indraindray dia nampianarina isika (ary efa nitory teo amin'izany aho indray hariva) fa maizina indrindra foana ilay izy alohan'ny andro. Amin'ny ora maizina indrindra amin'ny alina no mamiratra ilay kintan'ny maraina, mampitaratra ny fihavian'ny masoandro izany.

¹⁰³ Any Alemania dia manana sary izy ireo, izy ireo dia miantso azy hoe ny sarin'ny "Rahona." Izany dia—izany dia fifaninanana iray amin'io sary lehibe an'ny fanohomboana teo amin'ny... any Forest Lawn any Los Angeles (ny sary lehibe dia midadasika tahaka an'ity tranobe ity, tsy maintsy nanorina tranobe iray nanodidina an'ilay sary izy ireo; maro aminareo no efa nahita azy). Fa ity any Alemania ity dia antsoina hoe, "ny anjely..." na, "Ny Andro Rahona," mino aho fa izany no iantsoana azy. Ary rehefa miala amin'ny ampahany iray amin'izany ianareo ka mijery azy, oh, toa mahatsiravina ilay izy, tahaka ny rahona tezitra mifangaro mifanodidina, tahaka an'izany, rehefa mitaratra eo aminy ireo jiro. Ary toy ny hoe mihetsika ireo rahona, tahaka ny fomba nanaovana an'ilay sary mba hampitaratra an'ireo jiro, manao azy hitovy amin'ny rahona, tafio-drivotra tezitra iray tonga hamotika ny zavatra rehetra. Ary avy eo dia tenenin'ilay mpitari-dàlana ianareo hoe, "Mandehana akaiky kokoa, ka manohiza mandinika azy fotsiny." Ary rehefa tena akaiky azy ianareo, dia tsy rahona ilay izy, fa elatry ny anjely miaraka mikopaka, mifaly. Fitahiana iray ao amin'ny fiafenana izany.

¹⁰⁴ Angamba ny aretinareo izao hariva izao, angamba ny fahafoizan-tenanareo hahatongavana eto, dia fitahiana iray ao amin'ny fiafenana fotsiny. Eto ireo Anjelin'Andriamanitra, manatrika, mba hanakambana ny elany miaraka sy hifaly, satria voasoratra ao amin'ny Soratra, hoe, "Mifaly ireo Anjelin'ny Lanitra rehefa mibebaka ny mpanota anankiray." Eritrereto izany. Satria, HOY NY TOMPO HOE, Jesosy Kristy no tsy miova omaly, anio, ary mandrakizay. Tsy mety ho ritra ny Fahasoavany. Ary vonona hanome anareo an'izay irian'ny fonareo Izy.

¹⁰⁵ Ndao isika hivavaka vetivety ankehitriny, raha manondrika ny lohantsika ao amin'ny vavaka. Ary tena manantena aho fa hitoetra ao anatin'ny toetra feno vavaka ianareo. Misy olona iray ve eto ankehitriny (miaraka amin'ny masonareo mikimpy sy ny lohanareo miondrika mankany amin'ny vovoka izay nangalana anareo; ary, raha maharitra Jesosy, dia hiverina amin'ny vovoka ianareo) ary tsy voavonjy ianareo, hanangana ny tānanareo tahaka an'izao fotsiny ve ianareo, ka hanao hoe, “Rahalahy Branham, ny fiainako dia efa fahoriana, ihany koa, ary tsy voavonjy aho. Tsarovy ao amin'ny vavakao aho izao hariva izao, Rahalahy, hanangana ny tānako aho”? Ato ve izany olona izany, zazalahy, zazavavy, lehilahy na vehivavy, izay tsy voavonjy? Tsy hangataka betsaka aminareo aho, fa manangana ny tānanareo fotsiny ankehitriny mba ahafahako hivavaka ho anareo.

¹⁰⁶ Eo amin'ny ankavanako, Andriamanitra hitahy anao, Andriamanitra hitahy anao, Andriamanitra hitahy anao, ary ianao, ary ianao. Any an-kafa any ho any, ery aoriana ery, any an-kafa any ho any ao amin'ny lālantsara afovoany, atsangano fotsiny ny tānanareo. Aoka tsy hisy hijery, avelao izaho sy ny Fanahy Masina fotsiny no hanao an'izany fijerena izany. Ankehitriny, Andriamanitra hitahy anao, Andriamanitra hitahy anao. Tsara izany.

¹⁰⁷ Olon-kafa iray eo amin'ny lālantsara afovoany, atsangano ny tānanao, manaova hoe, “Rahalahy Branham, tsy Kristiana aho. Izaho—nampalahelo ny Fanahy Masina niala lavitra ahy aho hany ka tsy manelingelina ahy intsony aza Izy. Fa, raha ny marina, fantatro fa diso aho. Fantattro fa mbola tsy nateraky ny Fanahy Masina indray mihitsy aho. Fantattro fa izaho—tsy mendrika aho. Izaho tsy manana ny . . . Tsy niaiky an'ireo zavatroy rehetra aho. Tsy nahatanteraka an'ireo fitakian'Andriamanitra rehetra aho.”

¹⁰⁸ Angamba marary ianareo. Tsy hahavita soa izany raha tsy mahatanteraka an'ireo fitakian'Andriamanitra ianareo. “Rahalahy Branham, efa ela aho no niaiky ny Kristianisma, saingy raha ny marina dia tena misalasala foana ny amin'ny fanasitranana avy amin'Andriamanitra aho. Izaho—somary nanontany fotsiny aho raha marina io Fanahy Masina io.” Oh, ranabavy malala, na, rahalahy malala, tsy afaka hahazo na inona na inona avy amin'Andriamanitra tahaka an'izany mihitsy ianareo. Tsia. Tsy maintsy mahatanteraka ny fitakiana tsirairay ianareo, ary avy eo dia aoka hahazo antoka fa mahitsy amin'Andriamanitra ianareo. Avy eo dia raiso ny Fampanantenany ka mifikira amin'izany.

¹⁰⁹ Eo amin'ny ankaviako, hisy ve eo? Ny sasany aminareo olona tanora eny aoriana, tahaka an'izany koa, raha tsy Kristiana ianareo, dia atsangano ny tānanareo ka manaova hoe, “Tsarovy aho, Rahalahy Branham.” Andriamanitra hitahy anao, hitako ny tānanao, any aoriana, ery aoriana ery, hitako ianao, ramatoa; eto

aoriana eto, hia. Etsy, itsy eto itsy, eny, ilay zazavavy kely. Hia, hia ny Tompo hitahy anareo rehetra hatrany. Tsara izany.

¹¹⁰ Ankehitriny, nampanantena anareo eto aho fa izay ihany no hangatahiko aminareo, manangana ny tānanareo fotsiny. Ankehitriny dia hivavaka isika. Ary alohan'ny hanaovantsika an'izany ankehitriny (rehefa nanana an'ireo mpanota niaraka tamin'ny tānany nitsangana isika, eo amin'ny roapolo na telopolo eo), firy no marary, hanangana ny tānanareo ve ianareo ka hanao hoe, "Tsarovy aho, Rahalahy Branham, ao amin'ireo vavakao, mba hamindran'Andriamanitra fo amiko ka hanasitrana ahy"? Ataoko fa misy roanjato, na mihoatra, amin'izy ireo. Eny àry.

Ndao isika hivavaka.

¹¹¹ Ry Rainay any An-danitra, tena mahafinaritra ny manatona Anao miaraka amin'ireto fangatahana ireto. [Elanelana tsy voaraki-peo—Mpand.] "...ary Amiko, Izaho no Mpamorona anao." Ary nanangana ny tānany izy ireo, koa izany no maneho fa ny Fanahy dia lehibe noho ny siansa. Ray, hoy Ianao hoe, "Tsy misy olona mahay manatona Ahy, raha tsy Ny Raiko no mitarika azy aloha. Ary izay rehetra manatona Ahy, dia Homeko Fiainana mandrakizay izy ireo." Ankehitriny dia Anao izy ireo, Tompo. Omeo Fiainana izy ireo, izao ankehitriny izao, eo amin'izay ipetrahan'izy ireo eo amin'ny sezany. Enga anie izy ireo hanana Fiainana Mandrakizay. Enga anie Ianao hanangana azy ireo amin'ny andro farany, hanolotra azy ireo ho an'ilay Ray Andriamanitry ny Lanitra ho firavaka eo amin'ny satroboninahitr'ilay Fiagonana. Ekeo izany, Ray.

¹¹² Mivavaka aho ho an'ireo izay marary sy ory. Maro amin'ireo tānan'izy ireo no nitsangana izao hariva izao, satria nahita vehivavy iray izay nila an'Andriamanitra marina tokoa izy ireo; hitany fa ho avy ireo ora lehibe ireo. Tsy isalasalana fa misy maro no mipetraka eto ao amin'izany fomba iray izany ihany, izay tsy maintsy ho faty, fa efa nandidy an'ireo Mpaminaniny Andriamanitra, ka mety tsara ny zavatra rehetra. Hetys tsara fotsiny izany. Raha mahazo antoka izy ireo fa mety tsara ny zavatra rehetra, amin'izay fotoana izay dia mahazo antoka an'Andriamanitra izy ireo. Mahazo antoka izy ireo fa mihazona ny Fampanantenany Izy. Noho izany, Ray, dia mivavaka izahay mba Hikarakaranao azy ireo izao hariva izao, amin'ny maha-Zanakao tia, marary; ka hanasitrana ny fahorian'izy ireo, ary hanome azy ireo hery sy fahasoavana ary finoana. Mananova, Ray.

¹¹³ Tahio ireo mpitoriteny rehetra izay eto izao hariva izao, ireo Mpaminaninao sarobidy. Mivavaka izahay mba hanosoranao azy ireo, Tompo, ary enga anie izy ireo ho ilay anankiray izay hitahy ny tranon'ireto olona ireto, mba hisian'ny Mofon'Aina ao an-tranon'izy ireo raha mbola velona foana izy ireo. Enga anie tsy ho ritra mihitsy ny tavoaran'izy ireo, na ho foana ny barika. Enga

anie mba hisy mofo ara-panahy ao amin'ny fiangonana tsirairay manerana an'ity firenena ity, Tompo, izay hamahana ny noana izay manana ilaina. Ekeo izany, Tompo.

¹¹⁴ Tianay Ianao. Ary fantatray fa Ianao no nitia anay mialoha, satria fony mbola mpanota izahay, dia maty ho anay Kristy, ilay Tsi-manan-tsiny ho an'ny meloka, ho avotra ho an'ny fahotanay, hampihavana anay indray amin'Andriamanitra; fony very sy maty izahay, tsy nanana an'Andriamanitra na Ny Zanany, hatrany amin'ny sahan'ny Edena, hatramin'ny nitondran'ireo fahadisoan'ny razanay anay tao anatin'ny korontam-pahotana. Ary tena tia anay Jesosy ka tonga Izzy nohon'ny sitrapon'Andriamanitra ka nanavotra anay hiverina amin'Andriamanitra, tamin'ny alàlan'ny fanolorana ny Ainy manokana tao Kalvary. Misaotra Anao, Ray, nohon'ny Hatsaranao rehetra.

¹¹⁵ Miaina ao amin'ireo aloky ny andro farany izahay. Mety tsy hisy ampitso hariva iray. Tsy fantattro, Tompo, miankina Aminao izany. Fa raha mbola azo atao ny ahafahan'ny sasany hiditra izao hariva izao, Ray, dia mivavaka aho mba Handefasanao ny Fanahy Masina.

¹¹⁶ Hoy Ianao hoe, “Tahaka ny tamin’ny andron'i Sodoma, dia ho tahaka an’izany koa amin’ny fihavian’ny Zanak’olona.” Tamin’ny andron'i Sodoma, dia nanana kilasin’olona telo izy ireo: ilay mpanota, ilay mambram-pianganana matimaty, ary ilay Voafidy (nantsoina hivoaka); Sodomita, sy Lotita, ary ny an’i Abrahama (nantsoina hivoaka avy amin’izao tontolo izao). Nandray mpitoriteny roa nitondra hafatra lehibe ny Sodomita. Ary nahazo famantarana iray ny vondron'i Abrahama, ary ilay famantarana dia Lehilahy iray nisy vovoka teo amin’ny Fitafiany, Izay nahafantatra an’i Abrahama, nefo vahimy iray; nahafantatra ny vadiny, Saraha, iza no anarany; ary, niteny tamin’ny Abrahama, niaraka tamin’ny Lamosiny nitodika nankany amin’ny tranolay izay nisy an’i Saraha hoe, “Nahoana izy no nihomehy?” O Andriamanitra, enga anie hifoha ny fiangonana ka hahita! Araka ny nolazain’i Jesosy hoe, “Tahaka ny tamin’ny andron'i Sodoma, dia ho tahaka an’izany koa amin’ny fihavian’ny Zanak’olona.” Io Andriamanitra iray ihany io no hiseho ao amin’ny nofon’Ny Fianganany, ka haneho an’ilay famantarana iray ihany. Ekeo indray izany, Tompo, izao hariva izao. Mangataka amin’ny Anaran’i Jesosy izahay. Amena.

Tiako Izzy, tiako Izzy

Ankehitriny dia manompoa Azy moramora fotsiny ao amin’ny Fanahy.

Satria nitia ahy mialoha Izzy
Ka nividy ny famonjeko
Teo amin’ny hazon’i Kalvary.

¹¹⁷ Oh, aorian'ny hafatra iray, tsy mahatsapa ho voakosoka tanteraka ve ianareo? Ny Fanahy Masina fotsiny no manadio ny fonareo amin'ny tsi-finoana rehetra, mameetraka anareo avy hatrany eo amin'ny lâlana miaraka amin'Andriamanitra indray. Oh, ankehitriny no fotoana hanompoana Azy. Tapitra ny hafatra, noho izany dia ndao isika hanompo Azy fotsiny indray mandeha indray ao amin'ity hira ity, raha mihira isika hoe *Tiako Izzy*. Ny tsirairay, milamina sy moramora fotsiny ankehitriny. Akimpio ny masonareo ary mijere mankany Aminy fotsiny amin'ny masonareo ara-panahy, jereo izay Nataony ho an'io mpitondratena io. Malala Aminy tahaka an'io mpitondratena io ianareo, Izzy dia nitahiry ny ainareo, ihany koa. Tsy tianareo ve Izzy?

Tiako Izzy, tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

Ilay Mpitsabo lehibe dia akaiky ankehitriny,
 Ilay Jesosy mangoraka;
 Miteny amin'ilay fo miondrika Izzy mba hifaly,
 Tsy misy anarana hafa afa-tsy Jesosy.

Naoty mamy indrindra amin'ny hiran'ny serafima,
 Anarana mamy indrindra eo amin'ny lelan'ny
 mety maty,
 Hira mamy indrindra hany nohiraina,
 Oh, Jesosy, Jesosy sarobidy.

¹¹⁸ Raha mbola mitendry an'izany amin'ny orga izy, moramora. [Misamonomonona ny *Ilay Mpitsabo Lehibe* Rahalahy Branham—Mpand.] Rehefa mandre an'izany hira izany aho, dia mitondra zavatra iray ho ahy izany. Fotoana vitsy lasa izay tany Ft. Wayne, Indiana, nisy zazavavy Dunkard kely iray nipetraka tany, nitendry piano. Tsy Pentekotista izy, saingy nanana volo lava tsara tarehy voavoatra izy tao an-damosina. Ary nandeha nivavaka ho an'ny marary aho, ary ny anankiray voalohany tao amin'ny laharana dia zazalahy kely iray, kilemaina izy, aretin'ny lefakozatra. Ary noraisiko avy teo an-tsandrini'lay anabavy ilay zazalahy kely, ary nohazoniko ilay zazalahy kely, dia hoy aho hoe, “Marina tokoa, fa eto ilay Mpitsabo lehibe, mahafantatra ny tsiambaratelon’ny fo rehetra.”

Dia hoy aho hoe, “Mino an'izany ve ianareo?” tamin’ny olona mpanatrika an’arivony maro.

¹¹⁹ “Eny,” nino an'izany izy rehetra. Saingy somary nisalasala izy ireo, ny hariva voalohany an'ilay favoriana, ary izy ireo dia . . . sarostra ho azy ireo ny nahazo an'ilay Hafatra.

¹²⁰ Dia hoy aho hoe, “Mino ve ianareo fa ny Tompo Jesosy dia afaka miteny amiko hoe iza ity zazalahy kely ity, ary iza no anarany? Hino ve ianareo? Ho ilay Anjely iray ihany izay

nihaona tamin'i Abrahama ve izany, izay nahafantatra an'i Saraha... Ho ilay Jesosy iray ihany ve izany izay nahafantatra an'i Natanaela rehefa tonga izy, izay nahafantatra an'i Petera ka niantso azy tamin'ny anarany, niteny tamin'ilay vehivavy teo amin'ny fantsakana, ary ireo zavatra rehetra ireo? Ho ilay Jesosy iray ihany ve izany?" Nanangana ny tànany izy rehetra, nihevitra izy ireo fa ho izany ilay izy.

¹²¹ Ary nanomboka nanambara an'izany ny Fanahy Masina. Ary, rehefa nanao Izy, dia nitsambikina niala teo an-tsandriko ilay zazalahy kely, nihazakazaka nidina ary nitsambikina niala teo amin'ny lampihazo. Torana teo amin'ny sez aripetraka teo anoloan'ilay zazalahy kely mihitsy ilay reny. Ary ilay zazalahy kely minazakazaka miakatra sy midina. Ilay zazavavy Amish, na Dunkard ilay izy, nitendry piano, nivadika tena fotsy izy, nitsambikina teo—teo afovoan'ny fivoriana, ary nianjera teo andamosiny ny volony. Niakanjo akanjo fotsy izy. Tahaka ny anjely iray izy. Ary nanomboka nihira an'izany tamin'ny fiteny tsy fantatra izy. Ary, rehefa nanao izy, dia tsy diso naoty iray mihitsy ilay piano, nitendry hoe:

Ilay Mpitsabo lehibe dia akaiky ankehitriny,
Ilay Jesosy mangoraka;
Miteny amin'ireo fo miondrika Izy mba hifaly,
Tsy misy anarana hafa afa-tsy Jesosy.

¹²² Nitangorona nanodidina ny alitara ny olona, ka nitomany sy nianjera teny amin'ny lâlantsara, ary nihiaikiaka hoe "Andriamanitra mamindrà fo amiko!" Oh, fivoriana iray toy ny inona izany!

¹²³ Mbola eto foana io Mpitsabo lehibe io. Tsy mbola diso Izy. Tsy mety diso mihitsy Izy. Ankehitriny, firy ato no mino an'izany, am-panajana, amin'ny fonareo rehetra, ary eto ianareo izao hariva izao miaraka amin'ny fanantenana ny ho sitrana amin'ny herin'Andriamanitra?

¹²⁴ Raha misy olona ao amin'ilay tranobe fantattro, ankoatran'ireto eto ireto mihitsy, ireto zazalahy mipetraka eto ireto, telo tamin'izy ireo izay niresahako indray andro teo amin'ny fifampiresahana iray, avy any Arkansas; Rahalahy Pat Tyler, izay jiolahy iray niova fo; Rahalahy Williams mipetraka eo mihitsy; ary arak'izay vitako... ary Rahalahy Gene Goad, namako, mipetraka eto mihitsy. Ary ataoko fa izany ihany no hitako ato amin'ny tranobe izay fantattro amin'izao fotoana izao, fa tahaka an'izany no ahafantaroko an'ireto olona mipetraka eto ireto.

¹²⁵ Ankehitriny, efa nitsangana niaraka tamin'ny Koran aho teo andaniny, ary ny Baiboly teo ankilany, teo anatrehan'ny iray hetsy, ary nanao hoe "tsy maintsy ho marina ny anankiray, ary diso ny anankiray hafa." Ary ny fivavahana Kristiana no hany tokana eo anivon'ireo fivavahana rehetra; ary ny Full Gospel

no vondrona tokana eo anivon'izy ireo izay afaka manaporofa mbola velona foana Jesosy Kristy. Ny sisa amin'izy ireo dia manana teolojia, ary hiteny aminareo mikasika an'izany izy ireo hoe, "Manana psykolojia betsaka mihitsy izahay." Hoy ireo Mohametana hoe, "Manana psykolojia betsaka mihitsy izahay. Afaka miantsoantso mafy mihitsy eo amin'ny mpaminaninay tahaka ny ahafahanareo eo amin'i Jesosinareo izahay. Saingy tsy nampanantena na inona na inona ho anay mihitsy ny mpaminaninay. Ny Jesosinareo dia nampanantena anareo fa hitsangana amin'ny maty Izy, ary ny zavatra izay Nataony dia hataonareo koa satria ho velona ao anatinareo Izy. Ankehitriny dia milaza ianareo fa maty ny mpaminaninay, any am-pasana any, fa ianareo dia manana Jesosy iray nitsangana. Avelao izahay hahita Azy mihetsika." Izy ireo dia hametraka... aza...

¹²⁶ Afaka milalao eto miaraka amin'ny sasany amin'ireo teolojiana ireo ianareo, amin'ny teny Grika sasany na zavatra izay mampifanjevo tanteraka anareo momba ny tenanareo, fa aza manandrana mitondra an'izany mihitsy amin'ny fampisehoan-kery iray miaraka amin'ny sasany amin'ireo olona ireo. Tsaratsara kokoa aminareo ny manana an'izay resahanareo. Ary tsaratsara kokoa ny hahafantaranareo. Izany no antony mahasarotra ny hahazoana misionera any. Fantatr'izy ireo izay resahany. Ary tsaratsara kokoa ny hahafantaranareo, satria hiaika anareo eo amin'izany izy ireo.

¹²⁷ Fa tena mankasitraka aho izao hariva izao, ny mahafantatra, ry sakaiza, fa ny Jesosintsika (sy ny teny fikasana tsirairay izay Nataony) no Fahamarinana. Raha afaka manasitrana olona iray eto aho, dia hataoko izany; raha tsy nanao an'izany aho, dia ho mphiatsaravelatsihy iray. Saingy tsy afaka aho. Fa nanome fanomezam-pahasoavana iray ho an'ny fiangonana Andriamanitra, izay Nampanantenainy.

¹²⁸ Fa nandrity ny andron'i Luther, dia niaina tamin'ny fanamarinana isika. Nandrity ny andron'i Wesley, niaina tamin'ny fanamasinana isika, lasa tao amin'ny havitsiana ny fiangonana. Tamin'ny andron'ny Pentekosta, dia niaina tamin'ny alàlan'ny Batisan'ny Fanahy Masina sy ny famerenana an'ireo fanomezam-pahasoavana isika. Ankehitriny dia ao amin'ny havitsiana marina tokoa isika, ny fihavian'ilay Zanak'Andriamanitra. *Eto* dia nino tamin'ny finoana izy ireo; *eto* dia niantsoantso teo ambanin'ny fanamasinana izy ireo; *eto* dia niteny tamin'ny fiteny tsy fantatra ho fanomezam-pahasoavana iray izy ireo; fa *ankehitriny* ilay negatifa sy pozitifa, ary ny-tonga eo amin'ny piramida ilay sarona, ary izany no andro farany, rehefa tena mitovy betsaka Kristy sy ny Fiangonany hany ka hiantso ny maty avy amin'ny Metodista izany, Loterana, sy ireo rehetra tany aoriana tany, ary hisy fitsanganana iray. Ireo izay natory tao amin'ny fiambenana voalohany, faharoa, fahatelo, fahefatra, fahadimy, fahenina, ary

fahafito, dia hitsangana indray andro any, hitsena an'i Jesosy eny amin'ny lanitra. Tonga ny fotoana, ry sakaiza, antomotra ny Fihavian'ny Tompo.

¹²⁹ Mijery an'i Jerosalema isika ary mahita fa nohajambaina nohon'ny amintsika ireo Jiosy. Mamoaka ny tsimony ny hazo aviavy. Hoy Izy hoe, "Ary ireo hazo hafa." Billy Graham dia namokatra fi-fifohazana iray teo anivon'ny vahoaka ara-anarana. Oral Roberts dia namokatra fifohazana iray teo anivon'ireo Pentekotista. Ary ankehitriny Jesosy, ilay Zanak'Andriamanitra, dia tonga tao amin'io sisa nanamborana io, mba hisintonia ny olona ho an'ilay Vatosarona, hamerina an'ilay Zanak'Andriamanitra, hamita ny zavatra ho an'ny Fihavian'ny Tompo Jesosy. Hoy Izy hoe, "Tahaka ny tamin'ny andron'i Sodoma, dia ho tahaka an'izany koa amin'ny Fihavian'ny Zanak'olona."

¹³⁰ Hanodina ny lamosiko aminareo aho, tsy hoe mba hahitanareo fotsiny. Ankehitriny, tsarovy, fa tsy ilay olona izany. Ilay olona nipetraka tany dia kalsioma, potasy, ary solika, singa enina ambin'ny folo amin'izao tontolo izao fotsiny izay nanaovan'Andriamanitra hoe, "Fioo!" nitsoka niaraka ka niditra tao ary niaina.

¹³¹ Jesosy Kristy dia ilay zavatra iray ihany. Izy no Zanak'Andriamanitra. Izy no Andriamanitra voaseho tao amin'ny nofo, saingy nynofony dia olona, Ny Fanahiny dia Andriamanitra. Avy eo dia nampanantena Izy amin'ny andro farany fa ho avy ao amin'Ny Fianganany Izy. "Vetivety foana dia tsy hahita Ahy intsony izao tontolo izao; nefo ianareo dia hahita Ahy, satria homba anareo Aho, ho ao anatinareo mihitsy aza. Ireo asa izay Ataoko no hataonareo koa." Hitanareo? Ankehitriny dia eto ilay Mpitsabo lehibe.

¹³² Hoy Izy, ankehitriny, "Ny famantaran'i Sodoma sy Gomora." Ankehitriny, inona izany? Jereo ireo gazetintsika, "Ireo mitovy fananahana, fanimbàna, dia mitombo efapolo isan-jato teo amin'ny folo taona lasa izay." Horororontany amin'ny toerana samihafa, karazana famantarana rehetra an'ny Fihaviana. Mihemotra ny fianganana, eto ny andro farany.

¹³³ Ankehitriny Andriamanitra dia maneho an'ireo Famantarany, ihany koa, araka ny efa notoriantsika. Ankehitriny, raha marina ity Baiboly ity, fa izany Izy, dia vonona ny ho faty ho an'izany tanjona izany aho. Marina ny Baiboly. Velona Jesosy Kristy. Isika No Fianganany, feno Ny Fanahiny, noho izany dia Ny Fiainany ao anatintsika no hamokatra an'ilay Fiainana iray ihany izay Niainany tao amin'ilay Zanak'Andriamanitra, raha ny Fanahy Masina—ny Fanahy Masin'Andriamanitra no miaina ao anatintsika.

¹³⁴ Ho an'ny voninahitr'Andriamanitra sy nohon'ny amin'ny fianganana, ary nohon'ny aretinareo, ianareo izay marary sy

ory, kasiho ny moron-tongotry ny Lambany ka jereo raha afaka hanao Azy hilaza amin'ny alàlako ianareo, amin'ny maha-Mpanompony, hiantso anareo tahaka ny Nataony tamin'ilay vehivavy izay nikasika ny Fitafiany. Enga anie hanaiky an'izany ny Tompo. Hanao anareo hino betsaka ve izany, ka hanaiky ny fanasitrananareo? Firy no mino fa afaka manaiky ny fahasitranany izy ireo raha miantsosy anareo tahaka an'izany Andriamanitra, na mahita Azy miantsosy? Atsangano ny tènananareo. Hanaiky an'izany anie ny Tompo.

Tohizo tendrena ilay *Mpitsabo Lehibe*, sitrakao ve? Mahatsapa ho voatarika hanao an'izany aho.

¹³⁵ Hitodika any amin'ireo sakaizako eto indray aho izao hariva izao, mba hijery anareo fotsiny. Rahalahy, tsy miezaka aho... ho anareo... Andriamanitra no vavolombeloko, Rahalahy David. Tahaka ny efa azo antoka fa nanaovako azy mazava tsara mihitsy tamin'ny olona, hoe, tsy izaho ilay izy. Tsy misy na inona na inona idirako amin'izany. Izaho fotsiny dia... Tsy maintsy nampiasa olona iray Andriamanitra. Izy dia... Ary tsy misy tènana mendrika, fa Andriamanitra no manao azy ireny ho mendrika. Hitanareo, Izy—Izy—Izy no mifidy talohan'ny fanorenana an'izao tontolo izao, ny Tanjony ho tanteraka, ary tsy maintsy tanteraka izany, tsy maintsy tanterahina izany.

¹³⁶ Ny Fiagonana dia ho eo, tsy misy pentina na fiketronana. Ny fahasoavan'Andriamanitra no hanao an'izany. Tsy maintsy ho izany, hila fahasoavana izany. Tahaka ny Niresahany tamin'i Abrahama, rehefa nisalasala Azy i Saraha. Eny, ho efa namono teo no ho eo Izy; ho efa namono an'i Saraha teo no ho eo Izy nohon'ny fisalasalana, satria izany no fahotana ratsy indrindra izay misy, dia ny tsi-finoana, ary ny fahotana tokana. Ary nisalasala izy sady nihomehy irery rehefa namantatra ny eritreriny tao anatin'ny tranolay ilay Anjely. Marina ve izany? Fa nahoana Izy no tsy afaka naka an'i Saraha? Satria ampanhan'i Abrahama izy, Izy dia tsy maintsy ho naka an'i Abrahama, ihany koa. Ary ampanhan'i Jesosy isika rehefa ao amin'ny Vatan'i Kristy. Voavela ny tsi-finoantsika raha manao an'izany amin'ny tsy fahalalana tahaka ny nataony isika, satria natahotra izy.

¹³⁷ Mino ve ianareo fa misy zavatra miseho eo amin'ny lampihazo? Oh, maniry aho ny ahafahako manazava an'izany. Tsy maintsy mitodika aho. Mahita vehivavy iray aho izay manana hoditra mangidihidy, nikasika Azy ianao. Hiala aminao izany, satria Fahazavana ny rehetra manodidina anao. "Raha mety mino ianao, dia azo atao ny zavatra rehetra." Minoa ankehitriny.

¹³⁸ Mba hahitanao fa tsy psykolojia izany, mamaky ny sainao, dia hanodina ny lamosiko any aminao aho. Ahoana ny amin'ity fizarana ity? Izao dia efa natao indray mandeha tao amin'ny Angeles Temple, ranabavy. Rahalahy David,

tsaroanao. Ankehitriny fotsiny aho dia...mba hahitanao, miresaka aminao aho, izany no maneho fa tsy manana fifandraisana amin'ny olona eo aho. Azo antoka fa ianao—ianaо dia maha-... Fantatra fa mahazo ianao. Hitanao? Fa mangataka ny fahasoavan'Andriamanitra aho mba hanao zavatra izay ahafahan'ny olona hahafantatra.

¹³⁹ Eny, mahita olona tanora iray aho, zazavavy tanora. Avy lavitra avy eto izy, tsy avy amin'ity faritra ity izy. Avy any amin'ny faritra iray izay manorana izy ary misy hazo sy honahona betsaka, avy any Oregon izy. Tratry ny famelezan'ny androbe izy. Mipetraka eo izy. Mino ve ianao fa hanao anao ho salama Jesosy Kristy? Manaiky an'izany ho azy ve ianao? Mitsangàna, ranabavy. Mandehana mody, fa miteny mafy an'ilay devoly aho. Mino amin'ny fonao rehetra ve ianao? Eny àry.

¹⁴⁰ Ao amin'ny lâlantsara afovoany eto, misy olona iray manana finoana. Aza misalasala. Hiresaka aminao aho, Rahalahy Schultz, mba ahafahanao hahita fa miresaka aminao aho. Mamela olona iray aho eo... Tsy misy karatra fangataham-bavaka noho izany ilay izy fotsiny dia—dia tsotra fotsiny ilay izy arak'izany, mba tsy hampiakarana olona iray, fa mba ahafahan'izy ireo hahita.

¹⁴¹ Eny, misy vehivavy mahia iray, tratry ny homamiadana izy. Tokony ho tany amin'ny hopitaly izy androany. Mipetraka eto aloha eto izy, karazana vehivavy mahia iray. Ny anarany dia Ramatoakely Peterson. Hitanareo? Eny àry, ramatoa, manàna finoana an'Andriamanitra. Enga anie ilay Andriamaniry ny Lanitra hamono an'io devoly io hany ka tsy ho hitan'ny olon-kafa mihitsy akory aza izy. Mino ny Zanak'Andriamanitra ve ianao? Mino Azy amin'ny fonao rehetra ve ianao? Manàna finoana Azy fotsiny, izay ihany no tokony hataonao. Eny àry.

¹⁴² Vonona ny hino ve ianareo eto amin'ity lâlana ity? Mamelà ahy hiresaka amin'ity mpitoriteny eto ity. Mino amin'ny fonao rehetra ve ianao? Manantena aho fa misy olona iray eo mino, ihany koa. Ah-ham. Mba ahafahanao hahafantatra fa miresaka aminao aho. Fa jereo ny herin'Andriamanitra dia manaloka ny zavatra ara-tsaina rehetra, miditra ao amin'ny fanahin'ny faritra... faritry ny fanahy.

¹⁴³ Eny, ao aoriako dia misy ve—vehivavy iray, ary tsy fantany hoe inona ny olana aminy. Izy dia... Oh, io vehivavy mampalahelo io! Efa nahazo fandidiana iray, roa, telo, efatra, dimy izy. Tsy fantatr'izy ireo hoe inona ilay izy. Ireo dokotera tsy mahafantatra hoe inona ilay izy. Nalefa tetra Arizona izy mba hiala sasatra. Avy any Louisiana izy, ny anarany dia Rtoa. Pearson. Eny àry, Rtoa. Pearson, aoriako any ho any, mitsangàna, jereo aho. Mino ahy ho mpaminanin'Andriamanitra ve ianao? Tsy mahafantatra anao aho. Raha marina izany, dia ahofahofaho ny tânanao. Isika dia—samy vahiny isika. Marina izay voalaza.

Marina ve izany? Ireo dokotera dia tsy mahafantatra hoe inona ny olana aminao. Ilay izy dia ireo hozatrazo. Mipetraha tsara mihitsy, manàna finoana, dia hody any an-trano salama ianao. Manàna finoana an'Andriamanitra! Mino ve ianao fa nitsangana indray ilay Zanak'Andriamanitra?

¹⁴⁴ Ankehitriny, ahoana ny amin'ny olona iray amin'ity fizarana ity? Vonona hino ve ianareo rehetra eto aoriana eto? Pat, faly ve ianao fa Kristiana iray? Tsy mahafinaritra ve ny afaka tamin'ilay fiaianana izay niainanao, ka lasa Kristiana iray?

¹⁴⁵ Indro ny vehivavy iray. Ilay izy dia vehivavy iray, lehilahy iray, ary ankizy iray. Mifandray amin'Andriamanitra ilay ramatoa. Aoriako izy. Ary manana karazana aretim-bavony izy, ary izy—manana fahalemena izy avy eo. Izy dia tsy avy eto, koa, avy any amin'ny faritra iray toy ny tany efitra izy, fa avy any Kansas izy. Mpitoriteny iray ny vadiny. Izy io mipetraka eo io. Tsy mahafantatra anao aho. Raha marina izany, ramatoa, dia ahofahofaho ny tànananao tahaka an'izao. Eny àry, tomponko. Eny àry, mandehana mody, minoa an'i Jesosy Kristy Tompo ary aoka ho salama. Mino ny Tompo ve ianao?

¹⁴⁶ Manerana ny tranobe rehetra ankehitriny, mino ny Tompo ve ianareo? Azo antoka, eto Izy! Jesosy Kristy, ilay tsy miova omaly, anio, ary mandrakizay. Ilay Andriamanitra iray ihany izay afaka maneho tamin'i Elia an'izay nisy an'io vehivavy mpitondratena io, ilay Andriamanitra iray ihany no afaka maneho amiko an'izay misy anareo, mipetraka, mivavaka, satria izany no Fanahin'i Jesosy Kristy, ilay tsy miova omaly, anio, ary mandrakizay. Mino an'izany ve ianareo? Aoka ny olona rehetra ato hametraka ny tànanareeo eo amin'ny iray hafa raha mivavaka ho anareo amin'ny ankapobeny aho, eto mihitsy, ary minoa, mba hahafantararanareo fa manana zavatra ianareo ao amin'izany, ny tsirairay avy aminareo. Mpino ianareo, sa tsy izany? Raha izany ianareo, dia manaova "Amena." [Hoy ny fiangonana hoe, "Amena."—Mpand.] Ao amin'ny Fanatrehan'Andriamanitra, amin'ny porofo tsy mety diso an'ny fitsanganan'i Jesosy Kristy, apetraho eo amin'ny iray hafa ny tànanareo ka mifampivavaha.

¹⁴⁷ Ry Rainay any An-danitra, atolotro Anao ity mpanatrika miandry ity. Enga anie ireto olona rehetra izay nibebaka tamin'ny fahotany ireto hahita trano fiangonana tsara. Enga anie ireo, Tompo, izay marary ho sitrana. Enga anie ny herin'i Satana ho rava, eo amin'ny fiaiman'izy ireo izao ankehitriny izao, raha miteny mafy ny devoly aho ary mangataka mba ho tonga eo amin'ity mpanatrika ity ny Herin'i Jesosy Kristy ka hanala ny aretina tsirairay, ny rofy tsirairay, ny fahorianana tsirairay, ny fisalasalana tsirairay. Esory amin'izy ireo izany, Tompo, ka sitrano izy ireo. Amin'ny Anaran'i Jesosy Kristy, ilay Zanak'Andriamanitra, no angatahako an'izany. 

60-0310 Elia Sy Ny Koba-Fanatitra
Madison Square Garden
Phoenix, Arizona U.S.A.

MALAGASY

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org